

纂修官修 簽出第 三千七百九

卷一

元統志 趙青山集 曹秀約昌谷集 荃齋集 魏雲集

韓師陶集 董嗣昌集 陳志自堂存稿 劉文貞集

董嗣昌集 董嗣昌集 董嗣昌集 董嗣昌集 董嗣昌集

衛宗武集 李詩盤集 許景衡集

陸子方集

元統志 元存景樹揚集 江湖集 荃齋與權稿集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

卷三千七百九

李復清集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集



荃齋集 荃齋集 荃齋集 荃齋集 荃齋集

荃齋集 荃齋集 荃齋集 荃齋集 荃齋集

共書多少種計 七十條

乾隆三十八年八月廿九日發寫

瞻錄

永樂大典卷之三千五百七十九  九真 

村

洪武正韻倉尊切聚落亦作邨許慎說文𡩺地名从邑屯聲徐鉉等曰今俗作村非是此尊切顧野王玉篇邨自孫切又音豚徐鍇通釋

麓孫反丁度集韻援也通作邨吳棫韻補叶音七倫切墅也白居易北村詩晨遊柴峯閣暮宿山下村主人退後立斂手反如賓毛晃禮部韻畧邨


古字又都昆切戴侗六書故粗存切籬落也杜甫詩曰無村眺望賒又作邨邨韓道昭五音類聚千昆切聚坊也楊桓六書統清母𡩺从邑从屯屯


聚也俗作村者非說見諱韻知母及本韻定母邨隸省村俗熊忠韻會舉要商次清音字通云經史無字又按復古編云邨从邑屯別作村非然今


村字通用之矣趙謙聲音文字通邨清昆切地名如云東邨西邨聚落也作村非韻會定正字切清昆清清千村 邨 同 上


篆  楊鉤鍾


隸  徐鉉


篆韻  隸

書  六書

統  行

書  蘇

村  軾

村  黃庭

堅

草 書 村 米 芾

並張 錦溪

村

鮮于樞見 草書集韻

總叙

近事會元唐高祖武德七年令云。在邑居者為坊。在田野者為村。

耕天村

元一統志曲水縣有耕天村其田之良者謂之雲下田輿地紀勝文州詩行行未省見平川雲下誰知別有田山聚邑

居能習險人愁粒食自耕天鮮于子駿

白雲村

圖經志唐處士方干故居在桐廬縣釣臺

集風土行郡有耕天村又有雲下田

之東地名白雲源其子孫登科知名者相繼近代衣冠傳序之久而世次可推故范文正公有詩云風雅先生舊隱存子陵臺下白雲村唐朝三百

年冠蓋誰聚

水雲村

宋黃裳演山集水雲村記長澗自演峯道廣教院出田坑始有從父得之于西南山之

詩書到遠孫

麓取其一枝停之以為沼走之以為渠厨引之以酌橋跨之以渡異花奇果垂華倚實飄香墮影在泉之上下有雲于山朝霽而暮合間適之態明白之象與夫流泉相應以無為相遇而不約俄然相得于東西杳然相忘于得喪其孰為此者耶元豐之初予自京師南還省予從父流水之間俯仰行坐顧瞻燕笑及夫日落而禽還山暝而雲收援毫于壁間乃以水雲村名之而後去自是郡人始知有水雲村之可以樂也尋春避暑車蓋相

屬越十有五年。友人公實來京師，與予道曰：今為水雲村主人矣。僕將益治之，養生于其間。予曰：子之得水雲村，固可樂也。其亦知水雲村之得子乎？公實之為人，苟可而止，不為生而勞，不為名而偽，遇吟而忙，得酒而休。方東而俄西，未始有適，莫要其中。夷曠而惠直，是真水雲翁者也。君歸乎哉？予後此十年，當有草堂于演峯，有釣舟于劍潭，南歸而誰從者乎？是時水雲翁杖藜而相尋，演山居士肩壘而忽往與，是兩物相得于無情中，有舞有歌，有吟有謔，妙思絕景，不可得而究也。會歸乎至極，無予之樂也。不知水雲翁之樂，亦出於此乎？然則水雲之於我，果有分哉？故為之記。以公實他日相從，出此以為質焉。請鑿諸石。又題水雲村。水雲深處尋幽客，競把銀鉸飛琥珀。坐間玉篆流盃來，時伴桃花獻春色。塵勞不到清樽前，何幸山翁設歌席。人在夕陽方醉時，回首雲迷武陵宅。

虹漾村

會稽志虹漾村，在上虞縣西南。載初鄉有握登聖母祠，東西各

有一赤岸，俗妄指以為舜生之祥。

半日村

長安志鴻門亭大道北下坂口，名半日村。太平寰宇記曰：此村以山高蔽虧，陽影常

照其一半。

落星村

陝西志鳳翔府岐山縣落星村，即武侯長星墜營之處，在渭水南五丈原去縣五十里。

三風村

十道志有孝婦孀居。姑欲嫁之不肯。姑自殺。姑女告官。官不明殺。孝婦後人以婦之孝。姑之仁。女之罪。足為鑒戒。故曰三風村。

大陽

村

周子附錄道州寧遠縣大陽村。濂溪先生遠祖崇昌卜居焉。

延秋村

邵氏聞見錄河南縣有延秋村。

江村

宋趙青山集江村記。胡端叔始居安成之北門辟地三江橋。因自號江村。予問於端叔曰。子樂之乎。曰然。予曰。夫江村則有足樂者矣。蓋世所謂吳松采石武昌南浦。江非不清。而闐闐之聲。歌舞之塵。率能敗人清意。至於深林幽谷。曖曖遠人之地。或不知有江焉。故江村雖非天下之奇觀。而亦隱者之勝趣也。雖然。荒沙斷岸。黃蘆苦竹。風綸雨檝。微茫杳靄。漁腔樵韻。自相酬答。而換魚沽酒。時時出於叢薄之間。好事者繪之以為圖。苦吟者資之以為詩。其實荒寒寂寞。人情所難堪者。夫昔之江村。猶未必樂。况今之江村。漁有租。舟有筭。官徵長竿。駕萬斛。禪衣叫囂。鷗露辟易。頽茅卧壁。風啼雨嘯。漁童樵青。鶉衣鬼質。俯仰是間。所謂樂者。惡在。端叔自妙。羊以筆力。撼場屋。嘗一日三矢破的。使亡曹更待公孫疆。即玉堂霧牕。端叔平步矣。事不意遷至此。而端叔遂淹於此。懷奇匿秀。日與漁蠻子相爾汝。行吟澤畔。能無慨然於此乎。端叔曰。吁。君何見之晚也。夫人生焉往而非

寓耶。吾北門寓也。三江橋亦寓也。昔者吾祖由清江而徙此也。亦寓也。使吾果玉堂焉。亦寓也。造物者以吾寓。而吾焉所逃之。夫吾之寓於江村也。則已過矣。潘王王也。為人灌園。東陵侯侯也。賣瓜青門。王孫伊嚶於路隅。將軍困辱於南山。以至訖干山頭之歌。水東流朕西上之歎。讀之使人歎歎流涕。當其盛時。亦豈不負黼馮玉走趨。臣民而流離顛踣。一至於此。百年未滿。何所不有。即一士不得以功名自見。而釣魚間處。復何所恨。願聖王在上。官無急徵。鄉無亂氓。吾以詩書訓子孫。為江村幸民。則足矣。然皆非吾之所得為也。吾視江村猶玉堂。玉堂猶江村也。余然後知端叔之達非余所及。唐杜工部詩江村。清江一曲抱村流。長夏江村事事幽。自去自来堂上燕。相親相近水中鷗。老妻畫紙為碁局。稚子敲針作釣鉤。多病所須惟藥物。微軀此外更何求。又春日江村五首。農務村村急。春流岸岸深。乾坤萬里眼。時序百年心。茅屋還堪賦。桃源自可尋。艱難昧生理。飄泊到如今。迢遞來三蜀。蹉跎又六年。客身逢故舊。發興自林泉。過懶從衣結。頻遊任履穿。藩籬頗無限。恣意向江天。種竹交加翠。栽桃爛熳紅。經心石鏡月。到面雪山風。赤管隨王命。銀章付老翁。豈知牙齒落。名玷薦賢中。扶病垂朱紱。歸休步紫苔。郊扉存晚計。幕府媿群材。燕外晴絲

卷。鷗邊水葉開。鄰家送魚鼈。問我數能來。群盜哀王粲。中年召賈生。登樓初有作。前席竟為榮。宅入先賢傳。才高處士名。異時懷二子。春日復含情。

季秋江村 喬木村墟古。踈籬野蔓懸。素琴將暇日。白首望霜天。登俎黃甘重。支牀錦石圓。遠遊雖寂寞。難見此山川。司空曙詩江村即事

罷釣歸來不繫船。江村月落正堪眠。縱然一夜風吹去。只在蘆花淺水邊。張籍詩江村行 南塘水深蘆笋齊。下田種稻不作畦。耕塲磷磷在水底。

短長半滌深蘆泥。田頭刈莎結為屋。歸來繫牛還獨宿。水淹手足盡有瘡。山童遶身飛颺颺。桑林榘黑蠶再眠。婦姑採桑不向田。江南熱旱天氣毒。

雨中移秧顏色鮮。一犁耕種長苦辛。田熟家家將賽神。劉駕詩江村 江水灌稻田。饑年稻亦熟。舟中愛采麻。日午因成宿。相承幾十代。居止連茅

屋。四鄰不相離。安肯去骨肉。書生說太苦。客路常在目。縱使富貴還交親。幾墳綠。古今詩統崔魯春晚泊船江村 芳草青青古渡頭。漁家住處暫

維舟。殘花半樹鳥無語。細雨滿天風似愁。家信不來春又晚。客程難盡水空流。自怜愛失心期約。看取花時更遠遊。宋蔡君謨詩江村 黯淡江村

春日斜。汀洲芳草野田花。孤舟橫笛向何處。竹外炊煙一兩家。曹彥約昌谷集江村散步 已落無邊木。猶誅不盡茅。沙光迎遠景。風力鬧寒梢。故

處高低路。漁時遠近郊。竹籬茅舍外。門閉可推敲。陸游續藁江村。江村

連夜有飛霜。柿正丹時橘半黃。轉枕却尋驚斷夢。撥爐偶見爇殘香。醫無

絕藝空三易死。與浮生已兩忘。拈得一書還嬾看。卧聽孫子誦琅琅。江

村一雨喜塵清。隱隱雷車意未平。莽蒼郊原來暮色。颼颼林壑起秋聲。書

希簡古終難近。詩慕雄渾苦未成。白首愈悲知我少。從今一技不須名。

誤著儒冠不更論。白頭且喜卧江村。林深棲鳥逐更噪。埭近過州終夜喧。

病起日惟翻斷簡。愁來時亦倒清樽。自嫌未絕知聞處。尚有僧敲月下門。

又江村道中書觸目。短籬曲曲對開門。修竹陰陰不見村。別浦潮回

魚滬密。孤洲春近鴈沙溫。路逢行客時交轡。店賣新醅一舉樽。忽過亂山

幽絕處。恍如白帝到東屯。劉良佐詩江村。前山疑抹黛。多稼欲成鰲。水

滿蛙登岸。橋危馬蹙蹄。風高帆腹壯。雨霽月眉低。杖屨投村舍。兒童指舊

題。李俊民鶴鳴集夜添山雨作江聲。羊士諤綠暗紅藏江上村。韋莊何處

人間似仙境。劉禹錫寥寥一犬吠桃源。劉長卿金谿吳頤集前村笑語近

黃昏。獨向江頭望故園。漂泊每怜歸去晚。兒童各自解方言。戴石屏集題

新塗何宏甫江村。近郭畏囂塵。移居在水濱。江山千古意。松竹四時春。

賓客門無禁。詩書筆有神。何郎好心事。鷗鷺亦相親。董霜傑先生集江村

獨步松下風餘罷五絃。白雲相伴到沙邊。江花落盡江楓老。萬頃秋涵碧玉天。採芝集江村晚望。何處問歸程。滄茫入句清。雲生峯頂白。月近水邊明。芳草連平楚。晴樓出遠城。此身南北外。漁火是閑情。僧文珣潛山葉江村。古樹兩三株。人家四散居。草簷經雨爛。沙路過潮虛。漁罷籬懸網。耕歸壁掛鋤。相呼命鄰叟。農隙課兒書。高僧詩江村風急。葦花飛漠漠。吹煙柳影稀。亦有人家沙際住。夕陽鷄犬旁人歸。鄧紳伯詩鵝鳴江村曲。人家竹樹深。閑雲自來去。皎日屢晴陰。水送園蔬葉。谷傳樵斧音。瘦驢鞭不動。風處得披襟。陳允平西麓詩。藁草舍蔬畦。遠柴門竹逕。通斷雲遮落日。細雨濕斜風。野艾抽花碧。山茄帶葉紅。煙深南浦遠。難認楚江風。姚成。一雪坡集。晝步江村。碧空一片水雲飛。竹裏人家午。唱鷄江路雨。晴芳草潤。杖藜行遍水東西。李適中州集江村。陸地無根客。江村有髮僧。兩盂殘喘粥。一寸苦吟燈。元董嗣果廬山集江村二首。荒村雨過炊煙收。誰繫月下籬根舟。風葉半夜擬擬響。老犬獨吠空江秋。秋聲月色饒江雲。携壺相呼有近鄰。今宵拚得借榻睡。此時共作無懷民。僧雪窻集江村。江村五月人家外。一帶官塘紅棟花。落日斷雲分野色。過橋一半是平沙。范石湖大全集江村道中。浣溪沙。十里西疇熟稻香。槿花籬落竹

絲長垂垂山果挂青黃。濃霧知秋晨氣潤薄雲遮日午陰涼不須飛蓋

護戎裝盧疎齋集潭名士黃古山名其北郭別業曰塵外江村屬予賦詞

與里中樵漁歌之。行香子 社裏詩人塵外江村甚終朝關定柴門醜

泉行去聲藥釣月耕雲問是誰歟今隱者古山君。老子雖貧儘辦清尊

但休嫌俗壯輪困他時有暇準去

尋春把竹邊梅松下石可平分。 **塌村** 嚴州府圖經志塌村在淳安縣

澗流淺溉田不足因方仙翁馬上一指遂成石 **淮村** 宋戴石屏集淮村

塌自是田不復旱遂以名村復立廟以祀仙翁 **淮村** 兵後小挑無主

自開花煙草茫茫帶曉鴉幾處

敗垣圍故井鄉來一一是人 **三阿村** 山陽志三阿村在寶應縣黃

自廣陵西討解三阿圍即 **上琴村** 資治通鑑唐懿宗咸通元年裴甫作

此也至今耕者時得故鐵 **上琴村** 亂東路軍破賊將孫馬騎於上琴村

注上琴村在寧海西北四十餘

里琴刀留翻今謂之上寮山 **大雁村** 宋陸游續藁日暮自大雁村歸

路僅存出谷鐘聲知過寺隔林人語喜逢村廟堧荒寂新犁

地堤草淒迷舊燒痕兒子念翁霜露冷遙持炬火出柴門 **田村** 靈寶

縣志

田真田慶田廣靈實人昆季三人以義讓見稱所居曰田村昔有紫荊樹根莢尚在因兵革斫伐不存今為田庄在縣南三十五里

冷田村

宋蔡正孫詩冷田村 簾下清風笠下煙一篙三板插秧船田家午饑行厨薄盡在青裙兩擔肩

東海村

元一統志河南南陽府有

東海村吳曾漫錄曰宋大觀二年鄧州南陽縣東海村有張三婆患双目昏暗不覩光明其子張清用左手提出睛將銅穿過用小刀子刮翳與母

喫了自後所患不曾再發疼痛 有旨補大醫助教不理選限

水村

輿地紀勝秦州水村茅茨十間圍環皆植蓮在郡圃浩然齋雅談水

村云紫鷄白鳳滿秋畦血色蜻蜓上客衣野水近門籬落晚擺頭蘆葦有船歸寇準詩水村即事 虛齋臨遠水吟釣度朝晡葦岸秋聲合莎亭鶴

影孤片雲蔽疊嶽野燒起寒蕪獨步時吟望離人隔五湖韓流澗泉集水村 露荷煙柳外月上山翠寒水際一斷橋籬落小欄干剥啄喚我友共

此懷抱寬興盡出城去兩耳清流灘陸放翁續藁水村曲 山村今年晚禾旱奏下民租蠲太半水村雨足米狼戾也放三分慰民意看榜歸來送

歌舞共喜清平好官府老翁猶記軍興時汝輩少年那得知 又水村家住煙波似畫圖殘年不復歎頭顱深深竹塢見螢度翳翳菰叢聞鳥呼

十里笳聲上雲漢。一空星影落陂湖。天公著我非無地。却悔從來錯怪渠。

又夜泊水村 腰間羽箭久凋零。大息燕然未勒銘。老子猶堪絕大漠。

諸君何至泣新亭。一身報國有萬死。雙鬢向人無再青。記取江湖泊船處。

卧聞新鴈落寒汀。姜特立梅山續藁水村 一水瀉寒玉。數峯羅翠屏。漁

樵自來往。不悟落丹青。僧文珣潛山藁水村即事二首 祭鼓鑿鑿野廟。

茅茨小小人家。水際數株榆柳。籬邊幾陸桑麻。草徑別通村墅。柴門祇

對河塍。老婦自安鷄柵。小兒解守魚罾。元傳與礪劄陽集水村 野樹籠

葱合。官橋屈曲通。入天迷遠近。看日得西東。酒旆青搖水。漁罾白映空。時

還問村落。何必似城中。國朝清江貝先生集題周伯昂水村圖 愛爾

讀書陽羨里。喬林古木五湖東。山如城郭銅棺並。水落田疇菴畫通。野老

猶能難周處。仙人何許覓張公。園收橡栗霜初重。飯煮桃花歲屢豐。馬隊

豈堪延祖企。草堂今復見盧鴻。已知貢賦隨時給。還笑衣冠與俗同。一艇

微茫在烟浪。采 **水散村** 元一統志水散村在太原府太谷縣北五里。晉

菱歌斷夕陽中。陽記曰。唐玄宗幸太原。信安王禕於仗內侍奉。

奏曰。臣昨暮宿水散村。凡一千五百

家。皆李姓。即此村也。今名上善村。 **水西村** 古今詩統徐寶之水西村

詩 又過江頭黯淡時。野

梅初見雪前枝水霞錯落書秦篆煙樹淒迷畫楚辭山店燈殘
人亦睡寒洲月上鴈先知自題秋葉尋前夢薄酒殘蔬當夕炊

山村 唐王

建詩雨過山村 雨裏鷄鳴一兩家竹溪村路板橋斜婦姑相喚浴蠶去

閑看中庭施子花杜荀鶴詩和吳太守罷郡山村偶題二首 罷郡饒山

興村家不惜過宦情隨日薄詩思入秋多野獸眠低草池禽浴動荷眼前

餘政在不似有干戈 快活田翁輩常言化育時縱饒稽歲月猶說向孫

兒茅屋梁和節茶盤果帶枝相傳終不妄何必立生祠古今詩統于瀆山

村曉思 開門省未忝隣翁水頭住今朝南澗波夜來西山雨牧童披短

簑腰笛期煙渚不管水邊人騎牛望山去宋蘇東坡集山村五絕 竹籬

茅屋趁溪斜春入山村處處花無象太平還有象孤煙起處是人家 煙

雨濛濛鷄犬聲有生何處不安生但令黃犢無人佩布穀何勞也勸耕

老翁七十自腰鎌慙愧春山筍蕨甜豈是聞韶解忘味爾來三月食無鹽

杖藜裹飯去忽忽過眼青錢轉手空羸得兒童語音好一羊羶半在城

中 竊祿忘歸我自羞豐年底事汝憂愁不須更待飛鳶墮方念平生馬

少游蘇穎濱集次韻子瞻山村五絕 山村喜遇酒旗斜無限桃花續杏

花與世浮沉真避世將家漂蕩似無家 塍間白水細無聲日暖泥融草

不生似恐田家忘帝力。多差使者出催耕。旋春紅稻始經鎌。新煮黃鷄
取次甜。無慕無營人自樂。莫將西子愧無鹽。升平事業苦忽忽。未信浮
名到底空。何用橐駝朝塞外。試聽碌軸語場中。貧賤終身未要羞。山林
難處便堪愁。近來南海波尤惡。未許乘桴自在遊。梅聖俞宛陵集山村行
征馬去不息。幽禽隨處聞。深源樹蓊鬱。曲塢花益葢。淡淡平田水。濛濛
半嶺雲。長鬢弄春女。溪上自前裙。又山行冒雨至村家。雨急芹泥滑
禽鳴苦竹秋。野香生草木。雲潤上衣裘。入石纔通馬。穿林忽隱牛。山家多
淺井。下照碧峯頭。揚誠齋江東集山村一塔山村一塔奇。不堪風物索
新詩。稻花雪白糝柳絮。拓子猩紅團荔枝。行者自愁居者樂。晴時即熱雨
時泥。問知桐油多程在。未說宣城與貴池。歇處何妨更歇些。宿頭未到
日頭斜。風煙綠水青山國。籬落紫茄黃豆家。雨足一年生事了。我行三日
去城賒。老夫不是如今錯。初識陶泓計已差。陸游續藁山村書所見絕句
二首 老枳垂藤晝常黑。雛鷹聲作嬰兒啼。伐薪歸來遇急雨。石路山下
如踏梯。荒陂茫茫牧牛童。攀角上背捷如風。腰間一枝搢枯竹。橫吹短
笛過村東。又山村經行因施藥五首 閑行偶復到山村。父老遮留共
一罇。曩日見公孫未晬。如今已解收鷄豚。耕傭蠶婦共欣然。得見先生

定有羊掃灑門庭拂牀兒。瓦盆盛酒薦豚肩。兒扶一老候溪邊。求告頭
風久未痊。不用更求茅芷葷。吾詩讀罷自醒然。驢肩每帶藥囊行。村巷
歡欣夾道迎。共說向來曾活我。生兒多以陸為名。逆旅人家近野橋。偶
因秣蹇暫消搖。村翁不解讀本草。爭就先生辨藥苗。周紫芝太倉梯米集
次韻羅仲共山村題詠十首。晏坐銷長日。禪心薰妙香。已成三折臂。安
用九回腸。花片風前落。江流雨後渾。少陵新得句。應似浣花村。喪亂
何時定。江村愁殺人。日長空有睡。花在不成春。老去家無定。名高席未
前。如君尚窮約。誰與問蒼天。避地成真隱。依山結草廬。此身無藉在。隨
寓即成居。北闕書難上。南方賊未誅。諸公在廊廟。誰與問唐虞。欲問
濯潭路。懸知隔數村。曉來茅屋夢。相對飽朝喧。有醉銷十日。無詩學四
愁。幾因君得句。技癢不能休。塞北兵戈滿。竹西歌吹空。何堪故鄉夢。真
在白頭中。兩國兵難解。三春花自飛。愁因春鳥喚。心逐暮鴻歸。林和靖
詩山村冬暮。衡茆林麓下。春氣已微茫。雪竹低寒翠。風梅落晚香。樵期
多獨往。茶事不全忙。雙鷺有時起。橫飛過野塘。戴石屏詩山村。野水開
冰出。山雲帶雨行。白鷗乘曉泛。黃犢試春耕。地僻民風古。年豐米價平。村
居自瀟洒。况有讀書聲。野老尋幽處。成吾一首詩。桑枝礙行路。瓜蔓網

踈籬牧去牛將犢人來犬護兒生涯雖朴略氣象自熙熙 又 山崦誰
家綠樹中短墻半露石榴紅蕭然門巷無人到三兩孫隨白髮翁 萬竹
梢頭雲氣生西風吹雨又吹晴題詩未了下山去一路吟聲雜水聲 又
雨過山村六月涼田田流水稻花香松邊一石平如榻坐聽風蟬送夕
陽陳造江湖長翁集騎過山村 煙村面勢枕蒼山一徑循山作屈蟠入
望高幢羅翠密掛空匹練噴清寒吟髭撚白迎風去粧面駢紅倚戶看頗
似騎驢后山老倩誰粉黑洒毫端胡仲弓葦航漫游蘆山村即事 春風
無厚薄隨分到山村歌吹行南陌鞦韆出短垣稻田喧鳥雀社鼓賽鷄豚
何事條桑月人家緊閉門僧文珣潛山蘆山村 山村幾家住茅屋障春
泥麥隴微通徑桑林半閣梯過溪孤放犢隔巷數聲鷄全似桃源裏遊人
到欲迷 又為仇近仁賦山村 我愛山村人自得山村趣唯與漁樵狎
絕無軒冕慕高情寄雲松至樂在霜芳長吟招隱詩更作間居賦出處均
一靜曠達遺萬慮猶嫌車馬喧肯受塵土污白駒志雖潔玄豹斑已露祇
恐鶴書來奪我良朋去陳杰自堂存蘆山村 喬木藏村古枯藤取逕微
落紅隨蠟屐空翠近荷衣抱甕雲間出吹簫月下歸桃源吾酷慕何必此
間非劉端平詩同李雪林飲山村 本來無飲興偶此到溪灘屋角懸雙

瓠船頭繫一竿。塔高風便響。橋峻雨隨乾。莫怕城門閉。行歸亦不難。瀟瀟
竹外蛩吟。山村晚眺。田頭白石坐移時。稍覺交秋暑氣微。長嘯一聲人

半醉。林鴉爭背夕陽歸。元劉靜脩集宿山村。石邊流水自縈紆。樹杪閑
雲恣卷舒。長怪西山無爽氣。只應少我一茆廬。劉文貞公集翠竹黃花映

草廬。門前流水轉迴渠。夜深窻下猶燈火。知有幽人靜讀書。又投宿山

村。樹頭啼殺後棲鴉。水轉迴溪泛落花。月下信信聞犬吠。始知出峪有

人家。馬虛中霞外集集句題山村圖。先生高興似樵漁。更有何人在此

居。茅屋數間窻窈窕。睡時山雨濕圖書。萬疊青山但一川。一村桑柘一

村煙。隔林髣髴聞機杼。猶記騎驢掠社錢。貫酸齋詩集題仇仁近山村圖

中角先生畫掩門。野泉流玉注陶盆。東風似惜君家意。總是梨花月下

村。蒼藤垂霧日無痕。旋種青泥養紫芹。昨夜新吟留客和。隔窻吹作曉

山雲。松絲欺屋照衰顏。風動高寒月半彎。清興逼人無遠近。有雲應便

屬吾山。玉樹瓊臺未必仙。踈櫺消酒透溪村。宋朱繼方靜脩乙葉溪

茶煙。溪童煮兩宴高客。山鳥一聲春滿川。村。擗柳正當官道。漁

舟偏繫柴門。今年春水深淺。看取層層岸痕。雨洗山光綠。淨波涵天影

清空。草際自浮鵝鴨。柳陰分坐兒童。鄒登龍梅屋吟元瓦小橋西人家住

清

繞溪雲山當戶入。竹樹出簷齊。風急花初盡。春深鶯亂啼。稻畦新雨足。樺子亦鉏犁。元董嗣果英溪集溪村晚步即事二首 溪嵐攢翳入窻空。最

惱悲秋病廢翁。三日不行亭北路。誰將丹纈滌喬楓。小策盤旋草舍東。

東西拾穗走兒童。村家間有秋收處。愁語酣歌自不同。周衡之北山集溪

村即事 寒翠霏崖壁。塵囂此地分。鶴行松逕雨。僧倚石

闌雲。竹色溪陰見。梅香岸曲聞。山翁邀客飲。閑語總成文。湖村 宋陸劔

湖村 四十來居湖上村。翩翩七見改初元。風梢解籜竹過母。露葉成陰

桐有孫。渴鹿出林窺藥井。馴鷗掠水傍茶軒。老人不用誇頑健。時看孫曾

浴畫盆。又湖村春興 桑柘相望雨露新。桃源自隱不緣秦。稻陂正滿

初投種。蠶子方生未忌人。酒借鵝兒成淺色。魚憑雲母作脩鱗。賽神歸晚

比鄰醉一笑。猶關老子身。又夏初湖村雜題八首 市遠村深客到稀

草堂終日掩柴扉。釀成新蜜蜂兒靜。分盡殘泥燕子歸。嫩日輕風夏未

深。曲廊倚杖得閑吟。地偏草茂無人迹。一對茭鷄下綠陰。寒泉自換茗

蒲水。活火開煎橄欖茶。自是閑人足閑趣。本無心學野僧家。日落溪南

生暮煙。幅巾蕭散立橋邊。聽殘賽廟鑼鑼鼓。數盡歸村隻隻船。胎髮茸

茸漆不如夏初安健。勝春初雙瞳嬾看公卿面。却解燈前讀細書。從來

抵死愛湖山。敢料天教半世閒。杜曲桑麻雖苦薄，灞橋風雪却相關。幽禽兩兩已成巢，新竹森森漸放梢。稻壠作陂先蓄水，野堂防漏却添茅。

門巷蕭條長綠苔，經旬清坐罷傳杯。麴生風味那忘得，少待吾家芍藥開。葛無懷小集湖村晚興。殘霞伴孤鶩，遠晚雜斜暉。秋向詩中出人從畫

裏歸柳塘雙漿急，茅舍一燈微。小艇穿籬入蒲蓬，正擁扉。陽湖村。元一統志在河南府澠池縣北九十里，今名南北村。東湖

村。元一統志東湖村在湖廣孝感縣東宋徽宗時此村有農夫視夜有光燭天明聞之於官同掘其地有周時九鼎出焉時進貢于朝按春秋左

傳載楚子問鼎之事，遐想遷于楚地，即此鼎也。嘗有圖碑刻立于府治黃堂，今亡之矣。由是而名東湖村。西湖村。德安州志

孝感縣北九十里，方輿要覽云：宋太祖潛龍日，因渴索酒於村姥家，姥持酒以進，言權禁甚嚴，此私釀當密之，與金不受。太祖既貴，宥西湖村酒禁

置萬戶酒，因有是名。湖山村。元戴表元剡源集湖山村。老去生涯學今有太祖廟基存焉。釣魚溪山忽憶似湘湖，風林四畔動箏瑟。

煙雨一篙行畫圖，小市篝明沽郭索。平原柵樹備於菟，偶然得住何妨住。是處人間足畏途，又風雨行湖山村。風雨湖山夢屠村，又鮑村鳥巡

魚退艇犬認獵歸門天作巒雲暗溪
憑刺漲喧十年燈火伴草次共魚飧
湖由村 郡縣志湖由村在興國軍
通山縣下管里黃巢寇江

南由永興宣教里與官兵接戰今有戰步堡巢兵退走五里官兵追襲巢
曰莫抵今有莫抵村又十五里入通山界前有野渡巢不欲進乃大呼曰

回休即 **赤岸村** 唐呂溫集題河州赤岸村 左南橋上見河州遺老
此地也 相依赤岸頭 匪塞歌鍾受恩者 誰憐被髮哭東流 **玉**

泉村 元劉靜脩集宿玉泉村 怪見清暉逼晚襟 太行眉宇未消沉 徘徊
終日不忍去 寂寞高盟如可尋 欲向孤雲問縱跡 只應老樹記

登臨 棲遲零落今如 **泊宅村** 澄懷錄葉少蘊云 平望震澤間 東有泊宅
此 淚盡韋齋刻印心 村 世傳為張志和所居 湖水平闊望之渺

然澄澈空曠 四旁無甚山 遇景物明霽 見風颿 往來
如飛鳥 水天上一色 予每過之 為徘徊不忍去 **負國村** 北盟錄欽
宗靖康元

年 削奪前相王黼 在身官爵 長流衡州 黼出城數
十里 至負國村 追斬其首 百姓謂之負國村云 **上塘村下塘村** 南
海

志 番禺縣有玉液池 一名金鐘塘 自西望至 **燠塘村** 宋呂南公灌園集
此塘多瀦水也 故上塘村下塘村之名 猶存 **燠塘村** 宿燠塘村 盡日

繞岡嶺孤征陵險巖春風處處豪游子行安之過午或未飯人煙信遐稀
莫投燠塘村正見牛羊歸黯黯亂山腹茅廬壓芭籬陽光向餘霞畏虎先
掩扉繫馬就屋尾解冠挂門眉怡聲問前程乞火照寢衣夜半雨忽惡長
雷撼坤維奴僕亦睡覺雨瀉百箭馳草草卷席避倚牆願晨鷄故園豈無
情一夢不可期我有三畝宅比鄰勇鉏犂何曾問三旌自足了四時不肯
卧寂寂亦來走栖栖幸無王事驅或是奇鬼欺咄咄復咄咄生平突狂癡
明朝遇清溪

合澗村

相臺志林慮縣谷前有居民數千家謂之合澗村也

蔭潭村

瓊臺郡志蔭潭村在

石山下出泉水流渚成溪環遶民村達于大江六十餘里輪車取水灌溉
利饒頃崖潭湧出成渠至冲和村達大江環遶三十餘里左右築輪車灌

樂瀆村

會稽志十道志樂野勾踐以此野為苑吳越春秋勾踐立苑於樂野今有樂瀆村

石紐村

元一統志

村在今四川茂州汶川故縣一百四十里郡國志云禹生於石紐村古石
紐在茂州今石紐在石泉界按十道錄紐是秦州地名未詳孰是從王象
之所紀茂州景物以石紐
村在汶川縣故書于此

石柱村

宋邵堯夫詩和陝令張師柔石柱村君為陝縣令我實康公孫始祖有遺

烈託君訪其存夫君有詩來題云石柱村石柱之始立於古無所根就勒分陝銘惟唐人之言既歷年所多首尾無完文難以從考正將焉求其源我患讀書寡知識無過人經書史傳外不能破羣昏從長卿公羊宜自陝而分從君陳畢命宜成周而云二者兼取之於義似或尊分政東西郊可

以陝洛論此說如近之庶幾緩絲紘甘棠之蔽芾石柱之青新當時之盛事予不得而親二南之正化二公之清芬千載之美談予可得而聞棄經

而任傳儒者固不遵作詩以明之馳此庸報君

石堰村

宋陸放翁詩木落山不蔽水縮洲自獻寒日晚更明村巷曲折見小婦鳴機杼

童子陳筆硯農家雖苦貧終勝異鄉縣君看宦遊子豈無墳墓戀生死在故鄉切勿慕乘傳又肩輿至石堰村偶上籃輿踏夕陽醉魂困思兩

俛俛澗新旋拾供茶竈詩藁初成寄藥囊村舍藝麻驅鳥雀牧童隨草放牛羊歸來徙倚衙門久始覺中春日已長

斷石村

元一統志

斷石村在休寧縣西三里舊名吳口村西南有石壁下臨深溪舊經云昔有兩舟泊此一祭一否夜半有神人從祭之者舟北岸有石五丈自絕壁

墜下碎不祭之舟石墜處隨成石室因名斷石村

爛石村

宋陳后山詩爛石村亂石何羊爛千林昨夜黃曉耕來鳥雀麥隴縱牛

羊。按老湏微祿。持身闕寸長。
洗心聞吉語。時事信難量。
沙村 宋張鉉詩至沙村宿二首 瀕范菰
蒲夜吹腥。噎噎漁歌隔岸聽。莫恨今

宵偶無月。且看螢亂學踈星。
翰急駐柳邊塘。吳興未用兼呈到。晉取荷花度晚涼。
非麝非蘭一陣香。青
錦沙村 嚴州府志
錦沙村在

縣西八里。寰宇記云。傍山依壑。素波澄映。錦沙舒文冠軍。吳聞喜而鼓。拙遊
泛。彌旬忘返。歎曰。名山幽谷。故不虛賞。使人忘朱門之志。蓋以西洲諸山

土石丹碧相間。水中澄映尤佳。故謂之錦溪。其地有錦坑。錦嶺也。唐崔顥
詩發錦沙村。北上途未半。南行歲已闌。孤舟下建德。江水入新安。海近

山常雨。溪深地早寒。行
沙整村 元一統志在直隸泗洲。唐長安四年
行泊不可湏。及子陵灘。分徐城南界西鄉於沙整村。置縣曰

臨淮。水西枕汴河。開
夏王村 唐顏魯公集妙喜寺碑云。湖州杼山高。三
元十三年移治焉。百尺。周迴一千二百步。蓋昔夏杼南巡之

所。今山有
禹會村 晁說之容語濠州東城中。有觀魚臺。
又有禹廟在塗山上。其下為禹會村。
盤庚村 元

統志盤庚村在曹州舊州東。
南八十里。舊有殷后盤庚祠。
伊尹村 羅泌路史循蜚記伊尹莘人。故呂
氏春秋古史考等俱言尹產空桑

故城在今陳留固非魯也。故地記言空桑南祀而北陳留三十里有伊尹村。而所謂空桑則非此矣。**孔靈村**新安志孔靈村在歙

縣南三十里。孔愉字敬康。會稽山陰人。惠帝末東還。會稽永康之亂。避地入新安山中。改姓孫氏。以稼穡讀書為務。其後官尚書左僕射。信著鄉里。

後忽捨去。皆謂神人。而為立祠。事見晉書本傳。而世說亦云。孔車騎少有嘉遁志。年四十餘。始應安東命。未仕宦時。嘗獨寢。歌吹自箴。誨自稱孔郎。

游散名山。百姓謂有道術。為生立廟。後猶有孔郎廟。是其事也。今此村禱賽。猶及孔愉先生云。愉別傳云。永嘉大亂。愉入臨海山中。而晉傳又以謂

會稽有新安山。然世說既稱游散名山。明非一處。今此地以孔名。而寰宇志祥符經皆言是愉隱處。不可沒也。**項王村**任昉述異記今

烏江長亭亭下有驩馬塘。即當時烏江亭。長艤舟縛項王處。今陰陵故城九曲澤。澤中有項王村。即項籍迷失路處。項王失路於澤中。周回九曲。後

人因以**代王村**元魏初青崖集代王村行盡南岡日已曠人村
為立名。**王莽**雞犬閉柴門解鞍抖擻黃塵了羨煞田家老瓦盆

村莊季裕鷄肋編單州單父縣有王莽村。衢州江山縣有祿山院。祿山猶有意義。而王莽則莫得而推勝。毋朝歌尚所可惡。况於此乎。

諸葛村

雲南志在永昌府南十里有村曰諸葛環居數百家中有諸葛祠夷傳云在昔諸葛亮出征至此夷人感其威德遂祠之

至今祭祀不絕祈禱多靈應俗習相傳自以為諸葛武侯之人

姜相村

臨邛志依政縣有姜相村傳云姜維之孽子避禍蒲陽今

邑東南有姓姜者皆其後居聚之中央有維祠至今姜氏歲首拜祀之

東施村西施村

陶朱新錄西施古名姬也

多不知所謂近居越始聞蕭山諸暨之間有東施西施二村至今猶多施姓西施蓋施姓而生于西村者乎

戚姬村

元一統志戚姬

村在曹州定陶縣北十里姬定陶人漢高祖畧地至定陶得之有家號曰義壩

昭君村

元一統志昭君村在湖廣歸州舊州治東

北四十里杜甫詩群山萬壑赴荆門生長明妃尚有村一去紫臺連朔漠獨留青冢向黃昏張天覺詩歸州男子屈靈均歸鄉女兒王昭君山窮林

薄不肥沃生爾才貌空絕群男為逐臣沈湘水女嫁穹廬天萬里漢宮無色楚無人醜貌險邪空自喜杜少陵詩又云若道巫山女麓醜何得此有

昭君村胡僧詩何事將軍封萬戶却教紅粉去和戎唐唐子西詩生女禁太美陰山嫁單于絳灌通侯延壽死琵琶休怨漢天子李白詩漢月

還從東海出明妃西嫁無歸日。生乏黃金枉圖畫。死留青冢亦何益。鴈
湖李壁過昭君村賦詩云。王嬙南郡良家子。靚飾豐容照江水。何人引入
光明宮。綠鬢雲鬟朝暮理。增成亦擬備充依。反向陰山嫁胡兒。陰山一去
歸無期。塞鴈南翥馬北嘶。當時送往穹廬底。安得屬車藏豹尾。何如灘頭
媿東家。石上持竿釣游鯉。續談聊昭君村。漢孝武皇帝元封元年。昭君
村生女。皆多破其面。邵氏聞見錄歸州有昭君村。村人生女無美惡。皆多
其面。白州有綠珠村。舊井尚存。或云飲其水生美女。村人竟以瓦石實之。
豈亦以貳女子所遭為不祥邪。唐白居易詩。過昭君村。村在歸州東北四
十里。靈珠產無種。彩雲出無根。亦如彼妹子。生此避陋村。至麗物難掩。遽
選入君門。獨美衆所嫉。終棄於塞垣。唯此希代色。豈無一顧恩。事排勢雖
去。不得由至尊。白黑既可變。丹青何足論。竟埋岱北骨。不返巴東君。慘淡
晚雲水。依稀舊鄉園。妍姿化已久。但有村名存。村中有遺老。指點為我言。
不取往者戒。恐貽來者寃。至今村女面。燒灼成癩痕。宋韓子蒼陵陽集題
李伯時畫昭君圖詩。序昭君南郡人。今秭歸縣有昭君村。村人生女。皆灼
艾炙其面。慮以色選故也。蘇東坡詩。昭君村。昭君本楚人。艷色照江水。
楚人不敢娶。謂是漢妃子。續曰。匈奴數盜邊。漢議以女遺之。乃取後宮女

王嬙字昭君。嫫馬誰知去鄉國。萬里為胡鬼。續曰：白居易昭君詩：生為漢宮妃，死作胡地鬼。人言生女作門楣。子仁曰：揚妃外傳：揚貴妃寵幸時童

謹有曰：男不封侯，女作妃。君看女却為門楣。昭君當時憂色衰，古來人事盡如此。反覆縱橫安可知。沈繼祖《旌林集》：昭君村。黃沙漫空天一色，漠

北陰山斷行跡。明妃辭漢適單于，委骨胡沙無來日。心事欲向琵琶傳，天荒地老何人識。胡鴈經年去會還，漢月幾夜圓復缺。鴈飛那解寄音塵，月

明不管人愁絕。冢上千年不改青，怨入邊風與羌笛。誰為君王設此謀，縱殺盡工果何益。至今猶使昭君村，有女炙面殊不惜。漢已無策，唐效之，公

主淪棄豺狼域，何不設備禦狂胡。人言仲舒計已踈，不以女色媚穹廬。聖宋之德千古無，蘇文定公集：峽女王嬙，繼屈須入宮，曾不愧秦姝。一朝遠

逐呼韓去，遙憶江頭捕鯉魚。江上大魚安敢釣，轉拖橫江筋力小。深邊積雪厚埋牛，兩處辛勤何處好。去家離俗慕榮華，富貴終身獨可嗟。不及故

鄉江上女，夜從東舍嫁西家。王十朋《梅溪集》：十二巫峯下，明妃生處村。至今窳醜女，灼面亦成痕。按圖經：昭君村在歸州興山縣，而巫山亦有之。在

十二峯之南，神女廟下。未知孰是。杜少陵詩云：若道巫山女，窳醜安得此。有昭君村。劉夢得竹枝詞云：昭君村中多女伴，永安宮內踏青回。則在巫

山者是。蘇洞詩都將心事與琵琶。青冢魂歸路轉賒。羸得故鄉兒女子。至今頭白不離家。**綠珠村** 邵氏聞見錄白州有綠珠村其

井尚存。或云飲其水生美女。村人竟以瓦石實之。詳昭君村。**葛仙村** 元一統志葛仙村在浙江建

德路分水縣嶠山下相傳葛

仙翁煉丹之處。鄉民遇旱登山祈禱。鄉村有祠。**仙人村** 邵氏聞見錄唐呂仙人故家岳陽今其地名仙人村也

昇仙

村 太平廣記坊州宜君縣西三十里有昇仙村乃王老所居也

侍中村 東齋記事賈直孺黠嘗言襄州居喪時家中若

有人呼侍中云。一日為其父尋葬地。有人前引曰。侍中村其後居京城之

西。鄰婦心恙踰墻言為其夫所苦。我來告賈侍中。直孺益自信。未幾為侍

讀學士。給事中。卒於城西第。其偶然乎。

將鬼告之乎。果告之鬼。亦然戲譎矣。**老人村** 元一統志老人村在

城都府灌縣大面山

北有此村。人家其中與外隔絕。子孫繼世。如秦人之桃源。潛夫張不群因

入山採藥。浹旬不還。忽見一叟致敬而問之。叟曰。吾族本丞相范質之裔

也。范公知李惟作短挈。吾儕居此為終焉計。圖經云。即老澤也。蘇軾云。老

人村有五世孫者。道極險遠。生不識。齧醢溪中。枸杞根如龍蛇。飲其水。故

壽近歲道漸通漸能致五味而壽亦益衰王溉有詩云山前老澤經行路百歲翁猶健步非仙非佛非鬼神不識人間鹽與醋嗜欲既淺亦機深窟宅宜與仙家鄰元舒岳祥閭屋篆畦集老人村綠樹合來無路入青煙起處有人居衣冠從俗語言朴禮樂相忘機巧踈

貧兒村

相臺志貧兒村在臨彰縣齊後主高緯天統末於密作堂側率諸內人閭官等作貧兒村編蒲為蓆剪茅為房斷經之薦折簀之床故破靴履糟糠飲食陷井黎竈短匙破廠高簷不蔽風雨緯與諸妃嬪遊戲其中以為笑樂又於其傍作一市多置物貨緯躬為市令胡妃坐店賣酒而令宮人交易其中往來無禁三日而罷嗚呼人之昏愚有若是哉趙希循會心錄北齊主緯淫荒無度狎昵非類於華林園立貧兒村帝自衣藍縷之衣行乞其間以為樂狗馬及鷹亦有儀同郡君之號有鬪鷄號開府皆食其祿此衛懿公鶴有祿位之類也欲不亡得乎

孝子村

元

統志孟即宗定陶人母疾甚割股以饋母疾愈今定陶北號孝子村定陶屬曹州

秀才村

北史李子推傳子推族子愔與從父

兄普濟並應秀才舉時人謂其所居為秀才村

庶人村

北史隋宗室列傳文帝太子勇聞有廢立之意計無所出於後園內作庶人村

屋宇卑陋太子

時於中寢息

莫愁村

安陸州志莫愁村在湖廣安陸州古樂府云
莫愁石城人今莫愁村在漢江之西舊所居

也地多桃花春暮花落流水皆香又賈慙亦有莫愁溪郡守樂章辨云莫愁者不知何代人而名盛於唐史禮樂志意其為宋人乎載諸樂府者自周房中樂及楚漢中之曲下迄于隋煬帝之汎龍舟凡數十篇以世次為序其間載石城曲宋戚質所作而繼曰莫愁石城樂所出也次於臨風王烏夜啼而列在隋王誕襄陽曲之前二王皆宋人也自此而後始叙齊梁之曲則知其為宋人無疑也又李義山詩如何四紀為天子不似盧家有莫愁容齋三筆云梁武帝河中之歌曰河中之水向東流洛陽女兒名莫愁莫愁十三能織綺十四採桑南陌頭十五嫁為盧家婦此莫愁者洛陽人近世周美成西河一闋專詠金陵所云莫愁艇子曾繫之語豈非誤指石頭城為石城乎樂書志云莫愁善歌謠古詞曰莫愁在河許住在石城隈艇子打西漿催送莫愁來鄭谷詩云石城昔為莫愁鄉莫愁魂散石城荒江人依舊棹舴艑江岸遠飛雙鴛鴦王璜詩村近莫愁連竹塢人歌楚此下蘋洲張適正詩紛紛花雨暗江頭隔岸煙村喚莫愁艇子只今誰是主方知身世是虛舟項安世詩云冉冉水上雲曾聽屈宋鳴娟娟水中月

曾照莫愁行。是說之容語。郢州惟莫愁一村。獨在江之西。所謂西渡也。莫愁像大倭頭。梳子鳳頭。面狹長。持方扇。舊有畫像刻石。其後好事者取以去。至洞庭。遇順風。色投石於湖中。乃定。後人轉以板摹刻之。郢又有宋玉宅。故井在焉。有鞭尸灘。自何處取其柩來此鞭之。前郢守陳良弼云。宋易

士達詩。莫愁村。千古行人說。莫愁荒村依舊。黃饒村。建德志。黃饒村。距城四十

里。相傳黃巢為亂。欲過郡。時陳尊宿在城中。語郡人曰。勿憂。乃織大草屨。置之城西三十里外。木杪賊至。視之曰。彼有人焉。遂出境。後因名其地。言

為黃巢所饒。蓋俗語也。地。埋懷村。國史補。馬燧討李懷光。自太原。產烏桺。絕桂甲於州境內。引兵至寶鼎下營。問其地名。答

曰。此埋懷村也。升賢村。元郝經。陵川集。升賢村二首。棗栗荒山脚。燧喜果敗懷光。懸崖石作牆。共言長樂老。此是讀書莊。五季

乾坤黑。三綱道義亡。誰云不直死。更請問歐陽。兩嶺青林夾孤山。黑石。圍雲。携踈雨。過風約斷虹。飛為吉。奸雄叟難逃。筆削譏荒村。好終老。白首

竟忘。遷居村。唐李涪詩。遷居村。移家入村宇。樹闕見城隍。雲水雖。歸。堪畫。恩私不可忘。猿涎滴。鶴氅塵尾拂。僧床棄。逐隨樵

牧何由報稻梁。歌樂聽常稀。茅亭靜掩扉。查來垂釣次。月落
問安歸。遠客傳燒研。幽禽看袖衣。眼前無俗事。松雨蜀山輝。
由仁村

舊唐書本紀唐昭宗天祐元年六月甲午朔邠州
楊崇本侵掠關內。全忠遣朱友裕屯軍於由仁村。
崇仁村 羅山志宋
陸游詩視

陂至崇仁村落一首 津亭徒倚客衣單。秋盡江南亦已寒。鴈翅不禁踈
雨濕。楓林初染早霜丹。少年已歎儒冠誤。暮景更知行路難。倦馬歸來踏

殘日。長吟聊
得寫憂端。
長樂村 元一統志長樂村在福建邵武府建安記云
後漢時此村居民殷富。地土廣闊。孫策欲將

檢其江左。時隣郡亡逃。或為公私苛亂。悉投於此。因此有長樂將檢二村
之名。見寰宇記。元松鄉集長樂村。夜投長樂村。迫門出翁媪。初嗔少亦

定。張燈設松桃。瓦盆家釀清。旋摘梅子小。短衣學拜跪。竈語忽驚倒。呼婦
仍進前。強記家門好。欲言更自隱。意態尚窈窕。乃知故人妹。失身事村杵。

誰無子女心。聞此感懷抱。
孝敬村 北史列傳南趙郡李德饒性至
孝。父母寢疾。輒終日不食。十旬

不。解衣及丁憂。水漿不入口。五日哀慟。嘔血數升。及送葬。會仲冬積雪。行
四十餘里。單縗徒跣。號踊幾絕。會葬者千餘人。莫不為之流涕。後甘露降

於庭樹有鳩巢其廬納言楊達巡省河北詣廬
弔慰之因改所居村名為孝敬村里為和順里
邊孝村資治通鑑
唐僖宗光

啓三年五月朱全忠以四鎮兵攻秦宗權
於邊孝村大破之註邊孝村在汴州北郊
慈孝村輿地紀勝袁氏
慈孝村在籍縣

唐長慶中袁自強父死廬墓乾符中袁貫之母死亦廬墓及貫之死子宗
觀亦廬墓宗觀死子繼邵亦廬墓廣明中宗觀妻死男繼洞亦廬墓蜀主

旌表門閭號袁
氏慈孝村云
文豐村宋項安世詩二十七日山行兩日始見文
豐村將軍嶺下見文豐如入桃源路始

通鷄犬人民有生意田園池館類華風拓林壘壘圍深碧
荆樹霏霏脫晚紅更想書堂翠微裏聞將雜字教兒童
新豐村

宋衛宗武秋聲集過新豐村偶成
咫尺是江城欲前猶未能舟行尋宿
泊村近問名稱愁聚眉常歛吟窮思屢凝新豐舊遊地過騎免憑陵

孟村輿地紀勝孟村在始寧以孟
嘗所居得名今仍多孟姓者
胥村元一統志在浙江建德
路去城四十里嚴州府

志胥村因伍子胥逃難抵此遂以名村村之北有山名胥嶺下有子胥廟
水環廟前名胥水東入于桐江名胥口按史記伍子胥亡楚奔吳到昭關

昭關欲執之。胥遂獨身步走。幾不得脫。未至吳而疾。止中道乞食。至於吳進。專諸於公子光。退而耕於野。光乃令專諸襲刺吳王僚而自立。是為闔廬。既得志。以員為行人。與謀國事。遂伐楚入郢。其後闔廬死。子夫差立。信用太宰嚭。子胥諫不聽。嚭因讒子胥於吳王。王乃使使賜屬鏹之劍。子胥自剄死。吳王取子胥尸。盛以鴟夷革。浮之江中。吳人憐之。為立祠於江上。因命曰胥山。張敎為乞食處。在丹陽溧陽縣。張宴謂胥山在太湖邊。今云逃難抵此者。無所經見。當是退耕於野之時。或嘗至此地。蓋時方逃楚難也。祠立於太湖邊。遂名胥山。則立廟於此。而名胥村。胥嶺。胥水。胥口。理固有之。第年代不可考爾。要不為無所因也。宋蔡九峯詩。胥村。楚國當年濫政刑。子胥何事亦鞭平。當時若有權輕重。止合終身去郢城。

昉

村

輿地紀勝。寰宇記云。任昉為新安守。因行春至此。愛其雲溪。尋幽累日。不能返。傍有大石。往往坐釣其上。百姓因名其溪為昉溪村。大中

十年。刺史盧潘改曰任公村。任公溪。今有任公寺。在泰寧鄉。即此。

范村

宋石湖大全集。范村記。范村者。杜光庭神仙感遇傳云。

唐乾符中。吳民胡六子。與其徒泛海。迷失道。漂流數日。至一山下。即登岸謀食。居人皆以禮相接。甚有情義。問此何許。則曰范村也。當見山長。引行

至山頂可十里所花木夾道風景清穆宮室宏麗侍者森列一叟坐堂上
命客升階與語曰吾越相也得道長生居此歲久山下皆吾子孫相承已
數十世念汝遠來當以回飈相送比下居人餽以糧糗解維風便俄頃達
西岸時高駢鎮淮南聞之招六子補六合鎮將始以所見為人言之光庭
之傳云爾惟吾家陶朱公用人之國勛業蓋世越之君臣方將社而稷之
乃不俟終日擢扁舟而去迹其行事天壤一人而已世無神仙可也有之
非公誰宜仙者列仙傳又謂公常賣藥蘭陵彼人累代見之范村豈其所
定居耶某奉祠還鄉家西河之上距海財百里追懷祖武想像仙山月生
潮來悠然東望煙雲掩靄去人不遠會舍南小圃適成輒以范村名之圃
中作重奎之堂敬奉至尊壽皇聖帝皇帝所賜神翰勒之琬琰葺焉四傍
各以數椽為便坐梅曰陵寒海棠曰花仙醅醪洞中曰方壺衆芳雜植曰
雲露其後菴廬曰山長蓋瓦不足參以蓬茅雖不能如昔村之華於雲來
家事不啻侈矣噫陶朱公渡兵江淮震曜中國分地以賜諸侯功大名顯
貴隆富盛備福之極度世而仙昔村所有如此今無一焉獨不愧斯名乎
雖然公所成就固烈矣而心危慮深未及飲至舍爵半塗騰逝變姓掃跡
以二十年之成謀而莫之一朝居焉某不肖生值聖世饗竊名祿無以報

塞萬分上恩天載扶持全安之老而歸休猶得宿衛兩朝賜書於家林之下婆婆日涉常在雲漢昭回中榮光所被燕及猿鶴此則昔村所無而今之所有僑立斯名亦尚無愧按周元王五年越入吳陶朱公於是去國後千三百五十年當唐乾符六年范村之名始聞於世又三百二十年實皇宋紹熙初元歲在庚戌某遂以范村名其圃上下垂千七百年其傳遠矣杜元凱謂范氏世為興家斯言猶信後之人儻能長保此居則村名之傳又不知其幾世幾年乎書之壁以示同姓是歲二月望日記 又范村午坐 好風入脩篁槁葉舞而墮斷續一蛩吟高下雙蝶過清樾午陰圓靜極成癡坐老便几杖供慵廢誦弦課蒲團軟易煖困來百骸惰四傍無人聲誰驚短夢破詩海繪章宋劉景文晚過范村呈元禮 漸老猶奔走風埃過范村嶺寒催馬疾村晚待鷓喧世路窮 迷久人情應接繁淵明吾所慕高意在田園

羅村

陝西志羅村在漢中府大安故縣唐

舒村

新安志舒村在歙縣西四十五里中鵠鄉村傍有讀書墩俗傳唐進士舒雅所居也

救唐道襲從此路 隔溪山石望之峩然若纓其冠者名曰幞頭石遺跡尚存宋趙善淳熙葉舒村 有竹如椽故可佳况於竹外隱鷗沙不嫌官道多車馬此地端宜

著釣車韓流澗泉集二十五日舒村 秋水澄
溪淥秋山遠岸青村酤固覓句雅放却嫌醒

吳村 新安志吳村在縣北七十里有

吳太子墓方輿記云昔吳王為越滅句踐流其三子長子鴻逃于此死因葬焉遂明其葬處為吳山里按三國吳時嘗徙太子和於新都郡尋遣使賜死今歙縣有階村是其謫居處此亦當是太子和音轉而為鴻既不可考因以句踐附會之耳唐中和年中改延賓里寰宇志及新圖經皆言改

為婺安里今從祥符經

陶村

新安續志陶村在黟縣南山丁峯下多陶姓里曰靖節社曰五柳意淵明之後

羗村 唐杜

工部詩羗村三首 崢嶸赤雲西日脚下平地柴門烏雀噪歸客千里至

妻孥怪我在驚定還拭淚世亂遭飄蕩生還偶然遂隣人滿牆頭感嘆亦

歎歎夜闌更秉燭相對如夢寐 晚歲迫偷生還家少歡趣嬌兒不離膝

畏我復却去憶昔好追涼故繞池邊樹蕭蕭北風勁撫事煎百慮賴知禾

黍收已覺糟床注如今足斟酌且用慰遲暮 群鷄正亂叫客至鷄鬪爭

驅鷄上樹木始聞扣柴荆父老四五人問我久遠行手中各有攜傾榼濁

復清苦辭酒味薄黍地無人耕兵革既未息兒童盡東征請為父老歌艱

難媿深情歌罷仰天歎四坐淚縱橫宋北碭禪師集趙子芝得羗村圖拉

會與趙山中同賦。中原聞休兵。夕客問歸路。窮途倦策蹇。窮步甚脫兔。
小立候柴荆。互闖走兒女。喜極先覺頰。思苦旋煦嫗。觸緒盡愁態。撫膝見
孺暮。諸鄰稚扶老。盲畜各携具。老瓦勇倒瀉。飛觴約深注。居者訴徵調。歸
者訴羈旅。懽呼賀生還。不醉不肯住。哂乃驪山夢。奇驚在團素。生靈果何
罪。此禍竟誰與。眼明新畫軸。心折舊題處。掩卷續微吟。玉寄亭亭樹。又
羗村圖。河朔塵昏孰解紛。零丁獨走不忘君。麻鞋見了重瞳子。還憶江
東日。
尹村 宋王安石詩尹村道中。擅弓朋友之墓。有宿草而不哭焉。
注草陳根也。滿眼霜吹宿草根。杜詩霜霧在宿草根。漫知

暮雲。新歲不逢春。却疑青嶂非人世。更覺黃雲是塞塵。東坡詩。碧波青嶂非人
間。王涯詩。雲黃知塞近。草白見隴邊。萬里張侯能奉使。張侯博望侯。鸞也。

百年曾子肯辭親。自憐許國終無用。何事紛紛客此身。
楊村 宋李跨鰲先生集楊村四十韻。欵行西山隈。茄荻風颼颼。陰巖有

積雪。竟日無行輒灘聲。下曾簷。寫出千古愁。斷墟燈火光。慘月神鬼謳。巖
峯泣哀猿。短篠驅歸牛。頑雲籠遠嶠。退水拓新州。蟾膚纒石拳。龍影卧松
樛。顧惟衰病姿。畏作魑魅儔。若有負郭田。肯抱窮年羞。昔懷截犀豎。今成
繞指柔。况復僻陋地。可是英俊遊。山祠鍾送夜。水國笛橫秋。薄霧晨欺鬢。

斜陽獨倚樓。眸寒碧冥鴻。葉小沙際舟。漁師獵魚去。數獲惟芒鯁。射生持
虎歸。孰視俱老彪。時世賤兩目。東家如寇讎。長沙卑涇國。洛陽羊少留。太
白竄夜郎。退之謫潮州。才大難為庸。不死即長囚。官職雖差池。志意相夷
眸。自匪遷逐客。而有遷逐憂。田塍古丈人。來為寒士謀。胡不近長安。遠土
終悠悠。回語古丈人。兩泪不能收。從古長安兒。俠氣侵雲浮。十九白如瓠。
危帽鉗輕襪。奚奴扶寶帶。雜遝驂驪駒。飲徹金張家。醉留驪驪裘。又恐銀
瓶歌。指搗營糴丘。出閣訊花童。如何為麥麩。已不願學孔。何時當夢周。杏
韜照金龜。粉葉誇銀鈎。緩急乘一障。夜亡狄山頭。掃清玉門塵。澄澈黃河
流。如彼行道人。頗有挾此籌。咀嚼蘭蘅芳。蕪靡梗其喉。夜光有先容。白日
無暗投。足錢便得已。誰卜公與侯。歸來揮囊金。飽窮泉石幽。張約齋湖南
集。夜飲楊村。轉拖初投獨樹村。杖藜因叩小蓬門。殷勤翁媪吹茅火。釘
餽鷄豚薦瓦樽。剝喜平時無暴客。祗愁連雨沒禾根。招邀縱簡真淳在。欲
去猶嗔稚子諠。揚誠齋江西集。晨炊泊楊村。沙步未多遠。里名還異原。
對江穿野店。各路入深村。秋水乘新汲。春芽煮不渾。舟中爭上岸。竹裏有
清樽。又過楊村。石橋兩畔好人煙。正似諸村別一川。楊柳陰中新酒
店。蒲萄架底小漁船。紅紅白白花臨水。碧碧黃黃麥際天。政爾清和還在

道為誰辛苦不歸田。遺風集七月二十七日如杭楊村行二首。船動乃覺山動。樹鳴元是風鳴。秋日已深猶熱。山雲欲雨還晴。絕壁似無平地。

深村忽有人家數間。屋住巨石一葉船。依淺沙元杜國英東州集楊村。

沿河四五里。傍岸十餘家。地冷人眠炕。風高鴈落沙。淡煙籠柳樹。明月照

蘆花。客思難禁處。夢回天一涯。張翥蛇庵集夕次楊村。煙中帆影落。軻

我繫纜沙邊。已夜過風驟。數聲來海樹。月移半暈入天河。得歸始覺形神

旺。望遠空留感慨多。坐聽舟人語。明發蘆花秋水正。增波馮虛中霞外集

舟次楊村。前望同舟遠。不分打頭風。急御河渾。寒驢無力牽船纜。行到

楊村日。已昏。湯村。宋晁無咎濟北集湯村逢陳安性。東裝清曉來江浦。

瘦馬羸童犯山雨。解鞍入寺聞鐘聲。堂上僧齋日初午。

故人聆我足音喜。紗帽相逢坐東廡。別來幾日領生須。相見驚疑更問語。

念昨與君俱隨書。貧賤不為人比數。侍郎門館乏容悅。舉子文章慙講誦。

瞽言彊獻亦何有。君去東州我之楚。可憐今日江頭路。草草逢君具雞黍。

我貧無策未容飽。君祿雖微不猶愈。如今未可計得失。且作新詩致醇醕。

賈村。宋許景衡橫塘集賈村三絕。浩浩長河去不回。先生風采亦悠悠。累累古冢漫秋草。日暮牛羊自下來。蘆葦蕭疎倚斷垣。

賈家猶有兩三村。鋤犁蓑笠紛紛去。知是先生幾代孫。
漲河秋水日渾渾。獨放扁舟過賈村。記得塵沙厭為客。初浮清汴出都門。
石村

元藍靜之集石村述懷 生長名山豈隱淪。自緣衰病許全身。書帷側近

金鷄洞。漁艇長趁石鼓津。秋草已迷推轂遲。春波又送濯纓塵。四方空有

垂弧志。乞得餘年號散人。又寓秦石村作 盤石垂蘿一徑分。野橋流水

數家村。人煙橘柚寒連屋。仙掌芙蓉晚對門。屢辱故人留藥價。空煩漁

父問桃源。多情唯有南

溪竹。春雨年年長子孫。謝村 宋張約齋湖南集暫住新市行次謝村

二首 籠叢灌木繞低田。一雨催鳴爾

許蟬。平日詩懷何處吐。今年秋色此行先。推窻面面得涼多。陂溲風翻

渴水荷。人語忽驚群鷺起。隔蘆知是小船過。元董嗣果廬山集謝村 暮

役朝行此可停。臨平山色入船青。煙窻慘淡多逃戶。泥井虛圓有廢亭。貧

衲施茶營屋小。老漁曝網遠籬腥。客懷久困飄蕭裏。風撼枯桐不可聽。

季村 宋張約齋湖南集行次季村 破衣鳴蓬雨。迎晨捩柁風。擘茭

溪飯白。燉鐵店鑪紅。子役多無定。於心少所同。船人探蟹室。持

壽覓 元陸子方集宿黃村土人索詩 塵沙終日意昏昏。落日

詩翁 黃村 炊煙又一村。客子倦游求止宿。主翁搔首更無言。黃村

落日下山低宿鳥歸林亦倦飛夜半駟車投北去誰能慷慨泣牛衣

下黃村

宋張約齋湖南集過下黃村 山腰摘菜穿雲裏山

觥吹煙接雲起響邊樵唱路幽幽白處鵝群波瀾瀾臨堤野老槽盛水破壁方簾自撩紙想應不望裏蹠金落得清閑養妻子

舊白黃

村

宋范石湖大全集定興舊黃村虜新建為縣井邑未成新城遷次少人煙桑柘中間井徑寒亦有滌人來賣纈淡紅深碧挂長竿

董

村

宋呂居仁詩與諸舍弟游董村 來往無十里頗能妨晝眠踈籬董村水遠樹落城煙酒薄詩牽強身閑病接連荒田點殘雪知在甬山前

朱村

宋趙蕃淳熙薰朱村道中 綠竹人家近小塘暮秋村釀熟村場我行甚幽忘休歇孤負木犀來往香

袁村

宋袁起岩詩過袁村 在昔有袁村今到袁村路峯傍呼父老同姓亦三數貴賤本無種苗裔有疏附我家建安派一經立門戶安用黃金籬守此

青簡蠹庶幾亢吾宗百世傳儒素作詩示雲來聊並城南句

周村

宋楊誠齋江東集明發周村變不住寬鄉住甕間那知世上有

乾坤環將峻嶺包深谷圍出餘天與別村茅屋相挨無着處花溪百摺不教奔江淮地迥寒無價宣歙山寒更莫論

趙村

宋楊誠齋

江東集趙村 白樂天洛陽春詩云 明日期何處 杏花遊趙村 自注云 洛

陽城東地名趙村 有杏花千樹 又遊趙村杏花詩云 趙村紅杏每年開 十

五年來看幾回 予東園杏花徑亭子 因命曰趙村 杏花千樹洛陽春 白

傳年年愛趙村 月華晴葩風露格 老夫移得在東園 衛宗武秋聲集出城

山墓域行至趙村 纔出城山路雲收霽景呈 乾端頓軒豁 山色更晶明

遠近煙村露微茫 野水橫平頭 今七十 此地幾經行 元趙子昂詩 趙村道

中二首 朝出南郭門 遙指西山陰 馬蹄與石鬪 宛轉愁我心 溪谷莽迴

互 寒風振穹林 黃塵洒我衣 岩泉走哀音 淒淒霜露降 窮里浩難任 人生

亦何為 百年成古今 華堂昔宴處 零落歸丘岑 况復不得保 悲來淚沾襟

昔年干戈動 兵塵暗三吳 長江已無險 智勇亦難圖 築壘依平山 謀國

一何愚 植榦群林空 遺址莽丘墟 至今蓬蒿下 猶有白骨枯 天陰萬鬼

哭 慘慘荒山隅 興亡自有數 不敢問何如 獨怜野菊花 立馬為躊躇 章

宋揚誠齋江西集過嚴州章村放歌 石崖削得瘦到筋 半點也無

村 塵土痕正如狡獪 走得渴下赴江水 一口吞嚴灘 過却烏龍背 兩岸

秋山夾秋水 舟中小酌亦不違 眼底生愁失蒼翠 尖峯已自刺

太虛峯頭更立玉 浮屠好山千隻復 萬隻家裏門前一隻無

張村

宋薛季宣浪語集張村 皇羲寂已久澆俗無還淳如何張村昨杳杳全

其真豈不有妻孥茅茨甘賤貧豈不憚疲勞務時勤籽罈脫俗未為貴而

今馬辟秦青城足躋攀那滌龜城塵拘杞薦盤蔬殊非關養身安常樂有

餘熙然阜長春奚其壽而康無知斯體仁靜言逐臭夫迷途少知津猥云

老人村郊荒絕酸辛筋骨由堅強誰謂存其神井

蛙議滄溟夫豈窺崖垠作詩賦張村逝將同野人 **樊村** 宋陳造江湖

村 襄鄂二千里何帝三百灣風色九順逆左往復右還舟行已三日沿

流不作艱即今滄煙面猶是泊處山信次有定期曲直了不關聊可供戲

事輕撓與回還 幾日囚籠鳥今朝縱壑魚空勞計遲速凡百有乘除岸

勢驚禽過江聲午夢餘心融得新句澄水滴銅蟾漢江水黃濁貪行不暇

汲井元張子淵詩樊村 旭日在林杪迢迢發樊村溪斷少人渡仍有虛

舟存急流從西來日夕東南奔居人巧幹運結屋溪之濱激波轉孤輪淘

湧互吐吞波神每效力溪怪常遠屯侵晨勞簸揚白粲光繽紛孰抽造

化秘竊此權輿根迺知若人功用廣力不煩嗟彼抱灌者汲汲焉足論 **文**

村 宋項安世詩文村道中 十五年前號畏塗只今開闢盡田廬分明

總是辛卿賜誰信兜鍪出袴襦辛卿名棄疾前此帥荆獨絕群盜

唐村

宋衛宗武秋聲集至雪白菟澤步入唐村詩舍舟而從陸遷
逸步噴屹綠畦平墊寬青嶂四面還春容千萬狀平挹跬步間

行行二十里窈窕入我山故山迎故人禽鳥俱懽顏清泉響琺珮列峯擁
髻鬟回視塵囂屢相去隔幾關幽谷多白雲可與相對閑不妨自吟哦

但恐好句慳更須窮勝事尚喜兩
脚頑皇皇欲何之竝遊當忘還

孔村

宋周南山房後藁孔村俗傳
有孔子巖孔子寺遂以名村

轍環死只欠居夷此地傳訛且闕疑
壞屋無煙桑柘少絕憐猶似厄陳時

許村

宋傳夢得西巖吟藁許
村信步水之濱閑中

着此身蕭條僧寺近來往客舟頻村酒難成
醉山花亦有春人生要行樂何苦戀京塵

易村

宋二先生南征錄
題易村次何貢元

韻何兄以辛酉同請迂道半里訪之示詩展韻路轉峯回覺有村數間茅
屋瞰山陰午炊已飽翻匙玉臘醞仍擠掛杖金窮去作文和鬼送興來得

句倩蟬吟一聲橫笛斜陽外吹起江湖萬里心趙希逢和路入縈紆
半里村憶遠清興起山陰對床喜有人如玉寄遠何勞書抵金萬壑涼風

生騎氣一天離恨更蛩吟丈夫
對景休兒女慷慨相期一片心

楚村

宋周邦彥集楚村道中林棲
野啄散鴉群極目風霾亂日曛

短麥離離乾憶雨。遠峯黯黯細輸雲。愁逢雜路尋車轍。賴有高林出酒中。
輒得問津凡父老。不應看客廢鋤耘。族雲行太虛。布置初狼籍。彌逢天
四維。俄頃同一色。雨形如別淚。含惡未忍滴。泥塗頗翻車。行者自朝夕。中
央成白道。裊裊踏地春。潺湲冒田水。去作澗底碧。高林蔭清快。渴鳥時一
擲。晚休張莊聚。溼草蒙古驛。往時解鞍地。醉墨棲壞壁。孤星探先出。天鏡
小摩拭。比鄰忽喧呼。夜磔魯津伯。夢歸諼草堂。再拜悲喜劇。問言勞如何。
嗟我子行役。平明看屋雷。兩鵲聲嘖嘖。果逢南

鄧村

宋蕭澥竹外
吟重過鄧村

使還馮寄好消息。誰秣百里駒。肯稅不論直。
瘦竹挑雲過此村。十年前事總銷魂。

姚村

王諶潛泉蛙吹
姚村夜泊荒村日已黃小泊近

當時新廟曾題字。壁老泥枯半不存。
橫塘昨夜一番雨。今宵滿意涼。濕莎藏蚓

魯村

中州集金鮮于溥魯
村道中詩小橋沙

唱風柳卸螢光。隔浦誰家住。吹來荷葉香。
路已堪圖。更着衰翁跨蹇驢。暮靄似催寒日短。秋容仍帶遠林疎。鵬盤

高

平野黃榆落。兔走橫岡白草枯。漸喜闕身遠朝市。一年強半在村墟。
村 金王寂拙軒集高村馬上口占 村村桑拓綠成圍。蠶傍三眠麥棹
旗為問農家真樂否。不妨說與長官知。元王祈伊濱集高村道中作。

茅茨耿不寐。索索疎雨鳴。披衣村巷白。青楊挾風聲。細逕隱荒蔓。扶鞍事
遐征。早有田家兒。先我耕月明。東旭出未高。蒼茫山氣橫。隴麥何條條。野
雉礫礫驚。羈游若浮槎。歸心劇懸旌。可憐玲峴影。相依傷
我情。吾道本寥寥。世議徒營營。何時返蓬華。聊以善自名。

蔡村

中州集揚

雲翼蔡村道中詩 水連深竹竹連沙。村落蕭蕭
蕭已暮。鴉行盡。畫圖三十里。青山影裏見人家。

睦村

中州集史肅夜宿睦村詩

千河漢已西傾。獨坐披衣過五更。簷馬丁東風外響。田車歷轆月中行。忘
形沙鳥知人意。罕地山雲不世情。露草霜筠有幽意。詩題分付候蟲聲。

王村

宋王安石詩王村 晝靄王村路。春風北使旗。塵摧輕騎走。寒
咽短簫吹。攬轡聯貂帽。投鞭各酒卮。紛紛小兒女。何事倚牆窺。

杜牧之詩 菘唱牧牛兒。籬窺舊裙女。宋周宗溥歸來集春三月過王氏村
有感 甲子窮時喪亂頻。天教澤國着閑身。無情花柳自春色。不覺山河

多塞塵。他日升平猶未老。此生流落且相親。江南江北經行處。莫話衣冠
愁殺人。元遺山詩九月晦日王村道中 水涵沙仍濕。霜餘草更幽。煙光

藏落景。山骨露清秋。坐食知何益。行
吟只自愁。隨陽見鴻鴈。三嘆惜淹留。

陳村

元舒岳祥閩風藁丙子九月陳村避地三絕 黑光

磨蕩掩陽精。兵火成霞照。夜明誰信天。台山脚下。如今無佛救。蒼生一
溪屈曲與山隨。要試躋攀脚未衰。隔岸人家西日外。數株红柿壓疎籬。

盤盤幽谷造雲峯。應有逃秦隱此中。**秦村** 金趙渢詩秦村道中 山
行到半山奇絕事。白鷗如練掛青松。路縈紆信馬行。嫩寒天氣

逼清明。桃花都被風開却。楊柳似將煙染成。山好只供仁者
樂。酒醇優入聖之清。武陵猶是逃秦網。何似山家樂太平。**韶村** 元

嗣杲廬山集泊韶村 沈然歸息苦冬陰。小泊煙塍怯舊尋。荷葉久空晴
浦近。麥芒還吐晚村深。繪鱸雨壓還吳興。寄鴈雲迷客楚心。便可放懷天

地外。攬將奇**苑村** 東郡志元王憚苑村道中 霧重連山暗泥深。去
思援孤琴。路賒及時沾好雨。下馬課田家。耕隴來樵唱。吟聽

濕露華。野桃無意緒。紅爛武陵霞。萬井浮晴靄。人心一雨安。穉桑枝姍
姍。布穀語翻闌。老羨為農樂。身慚濟物難。故園歸未得。庭樹鵲驚寒。和

氣曉氤氳。今春好雨頻。山川為改色。草木陪精神。政簡時能禁。民安國不
貧。放身田舍去。誰羨擁朱輪。客枕無長夢。鷄聲促早裝。暮吟中井驛。朝

走豕韋鄉。雨濯天星大。雲迷曉色蒼。愧無康濟術。傳食每違遑。馬健川
途易。人便沆漑涼。花時爭播穀。蠶月未條桑。宿霧張雲幕。殘蟾偃珮璫。盈

盈花上露行
濕帽簷香

潯陽蛇村

梁高僧傳漢安清字世高度邙亭廟神
得離惡形矣後人於山西澤中見一死

蛇頭尾數里今潯陽
蛇村是也詳神字

水火村

西域傳尼波羅國屬北印度彭城東
南不遠有水火村東一里許有阿耨

波瀾水周二十步旱澇湛然不流常佛家以火投之遍地火起煙燄數尺
以水洒火火更增熾碎土以投亦即然盡無間投者並成灰燼架釜水上
煮食立熟賢德傳云此水中先有金匱前有國王將人取之匱已出泥人
家挽之不動夜神告曰此是慈氏佛冠在中後彌勒下生擬差不可得也
乃火龍
所護

永樂大典卷之三十五百七十九

永樂大典卷之三千五百八十 九真

村

大孟村

續相臺志大孟村在安陽縣後魏孝文帝廟旁有小山曰蒙賚蓋帝嘗賜賚群臣於此山下故名之事具見安陽縣主

簿史允升所撰碑

孝東徐村

北史李氏傳李興子孫繁衍人號其宅為孝東徐村

唐興村

舊唐書五行志隋文時自長安故城東南移於唐興村置新都今西內承天門正當唐興村門今有大槐樹柯葉森鬱即村門樹也

南董

村

宋史河渠志仁宗嘉祐五年開絳州正平縣有南董村田畝

小李村

宋史河渠志真宗咸平四年知靜戎軍王

能清自靜戎之東引河北注三臺小李村其水溢入長城

獨家村

元一統志北齊於古黃州城西南四十里獨家村置

南司段家村

元一統志段家村在西安府宋紹聖初咸陽縣民段吉夏日凌曉雨後鬻菜村落中立人門足陷地

得玉璽玉檢一。玉璽方四寸篆文如鳳鳥魚龍之形曰受命于天既壽永昌。按玉璽記。始皇得卞氏藍田玉刻以為璽。命丞相李斯篆文云云。又王莽逼元后取璽。后授之地故一角缺。驗之皆合。惟記云玉黃色。此青倉色耳。蓋漢高祖至霸上。子嬰素車降軹道。所上者世之傳受號曰傳國璽。董卓徙都。孫堅入洛。得於城南井中。至梁朱全忠始失所在。全忠以下多都汴洛。今璽尚書於秦。又背刻受天之命。皇帝壽昌八字。則無之。又不云有玉檢為異。有司來上。庭議以為瑞。改年曰元符。命段吉以官至靖康汴城陷。又失所在。

杜家村

宋許景衡橫塘集夜過杜

家村。駐馬問村老。却言行未遲。路雖十里遠。月到四更時。我去良有役。子眠寧負期。人生隨意好。冷笑一題詩。

鍾家村

宋楊誠齋南海集阻風泊鍾家村離英州已三日纔行三十里。南游端為看山來。過眼匆匆首屢回。不是阻風船不進。何緣看盡萬崔嵬。滿船

兒女厭江行。我愛江行怕入城。慙愧風師教款曲。為分一舍作三程。

馮家村

元一統志在廣東高州路窠字記云馮盜即電

白縣界人也。

朱陳村

鳳陽府志朱陳村在徐州豐縣百里。有朱陳二姓所居。濟寧志在山東濟寧府去豐縣百里。縣在唐

宋屬徐州元朝屬濟寧路東坡蘇軾嘗作朱陳村嫁娶圖詩云何年顧陸
丹青手畫作朱陳嫁娶圖聞道一村惟兩姓不將門戶買崔盧唐白居易
詩朱陳村 徐州古豐縣有村曰朱陳去縣百餘里桑麻青氛氳機梭聲
札札牛驢走紜紜女汲澗中水男採山上薪縣遠官事少山深民俗淳有
財不行商有丁不入軍家家守村業頭白不出門生為陳村民死為陳村
塵田中老與幼相見何欣欣一村唯兩姓世世為婚姻其村唯朱陳二姓
而已親踈居有族少長游有群黃雞與白酒歡會不隔旬生者不遠別嫁
娶先近鄰死者不遠葬墳墓多遶村既安生與死不苦形與神所以多壽
考性往見玄孫我生禮義鄉少小孤且貧徒學辨是非祇自取辛勤世法
貴名教士人重官婚以此自桎梏信為大謬人十歲解讀書十五能屬文
二十舉秀才三十為諫臣下有妻子累上有君親恩承家與事國望此不
肖身憶昨椽遊初迨今十五春孤舟三適楚羸馬四經秦晝行有飢色夜
寢無安魂東西不暫住來往若浮雲離亂失故鄉骨肉多散分江南與江
北各有平生親平生終日別逝者隔羊聞朝憂卧至暮夕哭坐達晨悲火
燒心曲愁霜侵鬢根一

鍾蜀村

邳州志在邳州睢寧縣西北五十
里鍾蜀村乃魏武帝征呂布駐於

生苦如此長羨陳村民

此後改為
唐池村
麥村
晉康志肇慶府德慶州越國夫人舊居瀧州姓麥有
麥村其子高力士本馮蓋曾孫幼時嶺南討擊使李

千里以為闍兒上以武后高延福養為子故冒高姓謹密善傳詔令為宮
闈丞助玄宗平韋氏有功遷知內侍省四方奏請皆先省後進帝或不名
而呼將軍力士初不記其母後為嶺南節度道過瀧因訪其母母曰曾中

七墨子在否力士袒視之如言母出金環曰兒所服者於是母子如初帝
為封越

國夫人
木香村
輿地紀勝木香村在襄陽府寰宇記云
在宜城縣昔段成式有別業於此村
桃李

村
元一統志村在遂寧州張震集句有桃李村詩土人云此村三十里
許彌望皆桃李春時盛開爛熳如錦綺往昔郡太守春日講故事于

此宋李璧鴈湖集二十九日遊桃李村分韻得春字
東風吹我出城闌
邂逅相逢得可人踏雨先從沙路穩怯寒更覺酒壺親
江山有意如違俗

桃李無心亦自春便可名為
茗村
唐鮑溶詩宿吳興道中茗村
浮
錦綉谷匡廬東望隔煙塵
客倦長道秋深夜如羊父行惜日

月常起雞鳴前夕計今日程息居在茗川霜中水南寺金磬冷冷然疇昔
此林下歸心巢頂禪身依寤昏寐智月生虛園羈旅違我程去留難雙全

觀身話往事如夢遊。青天明發止賓從。
寄聲琴上絃。聊書越人意。此曲名思仙。
桂村 江湖續集臨江鄧林性之自號四清杜友桂村

剪剪霜風起晚吹。一溪流水浸寒暄。
容衫猶恨吳綿薄。不道邊人盡鐵衣。
花村 唐吳融詩花村六韻。地勝非離郭花深故號村。已

憐梁雪重。仍媿楚雲繁。山近當吟冷。泉高入夢喧。
源月好頻移座。風輕莫閉門。流鶯更多思。百轉待黃昏。
華岳南征錄華鎮

撰趙逢和花村二學川花村。初謂紅紫之地。問山翁云。村人花姓。因曰花
村。問宿花村喜可餘。已拚花下倩人扶。牧童不見枝頭杏。空指青帘問有

無。格是而今老有餘。行行真欠瘦筇扶。不將心絮隨風起。一恁閑花有
似無。夜宿花村不見花。數間茅屋瞰溪沙。山翁不是通名姓。幾認河陽

令尹家。路入前村認杏花。門前水積半溪沙。風流髣髴朱陳俗。白酒黃雞姓兩家。
杏花村 都梁志村在武岡縣縣西二里。

地自為一所。人煙稠密。四圍夾道皆植以杏。每當春際。杏花滿其地。俗傳
曾有仙人過之。元一統志杏花村。徐濟諸縣皆有此村。豐縣尤盛。一望十

里中。更水患廢矣。宋沈繼祖柅林集杏花村。杏破繁枝春意鬧。牙盤堆實薦時新。仙家種此應知味。試門廬山姓董人。
梅花村

惠陽志郡之羅浮山有梅花村。非空上人詩集梅花村為羅豎士賦。東風吹晴湖。一水鴨頭綠。朝光落羅浮。萬梅滌如玉。寒梢氣長青。瑤枝綠陰密。似茅簷屋。一羊一挂千銀錢。輕若五銖小。樣負六出交。飛雲母片。天香百和雨。龍涎隔水新。苞小孩頂。晴光倒浸流星冷。平鋪一片寒蟾色。挂在珊瑚萬波影。花神小立風露寒。雲頭簪花七寶冠。羗童不帶詩人骨。半夜闌前吹笛看。亂折垂楊作風力。飛落一花千樹殘。壺公封底丹砂房。高枝為宇深為堂。二月青青四月黃。雨肥大顆如經霜。無數金丸亂黃落。驚起一雙白翎雀。我乘錫行鶴鶴去。不遣葛陂老龍過。秋入半空作劍飛。且倚湖東蒼玉樹。玉樹結陰覆仙臺。故人且坐清樽開。清樽開百金。難買故人來。鷓鴣深注臘前水。一泓黃黃鸚鵡嘴。舉手青天落杯底。杯空明月和天起。平時獨酌不快意。有客能來無不醉。我欲四明起王冕。畫織吳蠶雪盆鹽。醉揮鉤勒鐵線圈。長使今人觀古篆。續編蘭雪軒詩集梅花村為羅公望賦。羅浮山下玉千株。十里長洲五里湖。嘉樹留人舒嘯地。飛花送客醉歸途。影橫烏帽月隨步。香襟羔裘冰在鬢。夢想湖山身不到。詩成憑寄老申屠。國朝荅祿與權詩集梅花村圖。樹樹寒梅已放花。背山臨水竹交加。披圖坐覺柴門靜。好似西湖處士家。

梨花村

元一

統志梨花村在順慶
路棲樂山下因兵廢
海棠村
元一統志塗文質金堂人隱居于金
水許店之海棠村當時號為逍遙山

人嘗題云海棠村裏看昇平圖經云
海棠村今之歷鼻舊官路傍成成都路
芙蓉村
温州府志樂清縣芙
蓉山有芙蓉村中有

大溪流出江并有大坡坡內東曰小芙蓉村西曰大芙蓉村宋葛元承詩
雨後到芙蓉村 又上藍輿去西風颯放晴霧深孤嶼沒日薄片雲明詩

思通山色琴懷澹客情懸
知百里路分作兩三程
梅市村
越絕異記梅福壽春人漢時遊
吳監市後立館於中號梅市館

其側又有梅市村故謝靈運行
吟云范蠡適江湖梅福入城市
竹村
宋許綸涉齋集竹村 種竹亦
云好結交當有道能邀歲寒伴

同呼酒家保張功父詩過竹村 再宿離城邑全無世俗氣僧包輕濺水
漁竈冷吹雲酒好休教盡詩慳却自欣晝閑貪睡穩獨被不須熏洪适盤

洲集竹村 一任筍侵疆何妨鞭
礙道千戶廣侯封三家結村保
水竹村
宋黃震日抄水竹村記
易曰天地變化草木

蕃果孰為之流通而成變化也哉蓋嘗乘旦氣之方清對晨光之熹微顧
瞻庭竹露葉珠垂下視其本微濕環之狀若連筒灌畦之為因而潛心探

願有以窺天地相與流通之機矣。向若地不闕亦如天之圓地。惟墮然塊處。非有廣川大谷以脉絡其間。則流通之無所。造化亦幾乎息。萬物將安從生。今其周匝於地勢之四垂。既無非海朝夕吐納。無一息停。長江大河復統衆流以相與。渾浩流轉。其內雖鑿地得泉。為沼為井。氣亦蒸蒸日上。騰與海之茫茫。河之浩浩。升而為雲。浮而為漢。者同一暢。以達惟平陸之亢仰。土膏之易燥。則時又振山川以出雲。騰百川而作雨。風雷一晷。奮迅之餘。彌六合。皆水氣而生。生化者。林林泱泱矣。嗚呼。此乾畫連三之為天。此坤畫斷六之為地。而乾連突出於坤斷之中。為坎者。歟。然則天一生水。地六成之。坎為水位。於子造化之機。始於子。天道循此以南。轉歲一周。回而造化成。苟凡得此以生。孰能自外於天地之所以流通者。虛其中。竅於關節。脉理而水氣滋之物。皆然。竹唯甚。其心為最虛。其水之由地而升。為最易。貫四時而不改。歷千歲以長青。夫豈偶然之故而能爾哉。故君子於竹也。有以知水之流通於萬物於水也。有以知造化之流通於天地而舉一以繫其餘。且知伏羲氏之仰觀俯察。遠取近取。以畫八卦。其義於是為精。而造化之勞乎坎亦明矣。豈必乾南坤北。而曰先天也哉。余同館潘君約之。超特之士也。家三山之勝處。其地曰三溪。俯一曲之清流。植臨流。

之萬竿蕭然讀易其間浩然與造物者同游求東澗湯先生題其居曰水竹村而屬余為之記余聞之欣然有契因書其所見以遺之然君之居正余之志也君方年壯氣銳進進德業異日同贊造化之妙以潤澤天下則君之事也詩不云乎瞻彼淇奧綠竹猗猗說者謂其興問學自修之益如此惟君其勉之咸淳四年三月十一日慈溪震謹記元李一初雲陽蓮集水竹村記 往年予從賀君龍川視湖上隙地踽踽行草棘間顧謂予曰某可灌某可植予將疏而闢之以佚吾老又指而示曰某可築某可亭予將構而葺之以時吾憇子姑識之別去凡幾年予復來川上君迎笑謂曰向之所欲為者今皆為矣至則波光蕩空林陰合翠於是水不加深而昔之納污穢者瑩然清矣地不加廣而昔之荒烟野草者翦然茂矣當湖之中為亭亭之兩旁當岬者翼以橋度橋而西則為堂以當水竹之會納以清幽達以空曠芙蓉菱芡美木善草無不可愛賓從之來或坐而觴或俯而魚琴聲棋韻時聽遠響芳時暇日幽討無筭合而名之曰水竹村取其槩也予延覽久之慨然曰君之用意水竹何其至耶世之汨沒勢利者鮮能以陶情適意為事假令有之又往往不得其所方池半畝清風數竿何啻已足又烏能綽綽有餘地哉今君以曠達之懷忘情富貴厭紅塵而依

水竹又能得寬閒之所以稱其情若天作而地藏以待君者是真可尚也
君方延四方之士以共其樂而予也東西馳騫役後無須吏問何當脫去
塵鞅以追逐雲
月從君湖上

空桑村

開封志在杞縣西三十里傳云伊尹生於空桑即此地有宋真宗親幸立石御製書

樓桑村

涿州志村在州城西南一十五里乃漢昭烈帝舊里按唐郡國志云昭烈涿郡人舍東南隅有桑高五丈如車

盖往來者恠之遂號其里曰樓桑今廟尚存廟東有唐刺史婁居迺所立碑西有金承安四年黃華老人王庭筠書謨碑

桑梓村

宋任松鄉集桑梓村 晝投桑梓泊客意一裴回路踏桐花過門當拓樹開千峯婺女出一水剡溪回聞說茶場外相懸十里來

梔子

文昌雜錄戶部馬負外言潘鎮之雄盛龐元英謂余昔知安州城南有梔子村花開如瓊林香聞數十里他處所無

菁村

韻語陽秋葛洪鍊丹之處在天下者十有三湖州烏程縣葛山者其一也山之下號菁村盖仙翁手蒔黃精取以壽其隣里者故云

蛟龍

蘇鶚演義汴州陳留縣東北有漢高帝母媪陵之東有蛟龍村附于昏城即可驗降龍之地也

白牛村

輿地紀勝白牛

村在華亭陳今舉棄
官居之號白牛居士

烏榜村

金陵新志按圖經初立西州城未有籬
門立烏榜與建康分界後名其地為烏

榜村在天慶觀西南史陳顯達傳顯達於西州前與臺城軍戰敗
走西州後烏榜村騎馬趙潭注稍刺落馬斬之籬側血湧湔籬

烏夜

村

蘇州志晉穆帝后何淮女寓居縣南產后於此將產之夕
有群烏夜驚於聚落爾後烏更鳴眾共異之及明大赦

列鵝

村

元一統志岷山在四川茂州羗之列鵝村其跗曰羊
膊則江水所出也孔穎達以為岷山在蜀郡渝湔氏道

一

統志村去茂州東北一百七十里有三路一通茂州
一通龍州一通錦州皆吐蕃險要之地今隸石泉軍

射鵠村

輿地紀
勝在安

豐軍霍丘縣有
故安豐軍城

魚門村

江陰志魚門村在縣西二
十里舊經云甌人所居之處

舊白鵲村

唐宋
之問

詩嵩南山九里舊鵲村作 弊廬接箕穎北望嵩山隅茲嶺雄且秀綵翠
橫天衢家世事靈嶽岳棲安敢渝從俗因迹化歸靜知心愚上違先人訓
下憐菲薄軀自問何功業謬與賢俊俱執羈翊龍羽秉筆遊鴻都尸祿負
諸己日使田園蕪常恐白雲意溢盡黃埃塗妙年負恩德欲去何踟躕明

主本尚道黃屋均蓬壺飲
惠可冥分歸事燒金鑪

長烏村

唐柳宗元詩遊石角過小嶺至長烏村永州志適不期貴道存豈偷

生久忘上封事復笑昇天行古樂府有昇天行竄逐宦湘浦搖心劇懸旌
史記蘇秦傳心搖搖如垂旌始驚陷世議終欲逃天刑歲月殺憂慄殺色

界切穢也慵踈寡將迎追遊疑所愛且復舒吾情石角恣幽步長烏遂避

征磴迴茂樹斷磴丁鄧切石梯景晏寒川明曠望少行人時聞田鶴鳴風

簞冒水遠霜稻侵山平稍與人事間間去聲益知身世輕為農信可樂居

寵真虛榮喬木餘故國願言果卅誠四支反田畝釋志東臯耕釋志一本

作志播本作澤澤音釋土解也詩云其耕釋之箋云耕之

則釋釋然解散又唐王績掛冠歸田葛中聯牛躬耕東臯

獵問村

顏氏

家訓吾嘗從齊王辛并州自井陘關入上艾縣東數十里有獵問村後百

官受馬狼在晉陽東百餘里亢仇城側並不識二所本是何地博求古今

皆未能曉及檢字林韻集乃知獵問是舊獵餘聚亢仇舊是礪武安反

仇音仇亭悉屬上艾時太康王邵欲撰鄉邑記注因此二名聞之甚善

洪

亭村

李濟翁資暇集江陵記云洪亭村下有梅槐樹合生詳槐

仙堂村

太平廣記僕僕先生家於光州樂安縣黃

土山有仙術刺史李休光以狀聞詔就先生所居舍置仙堂觀以黃土村為仙堂村

草堂村

唐岑嘉州詩草堂村尋羅生不

遇數株溪柳欲一作色依依深巷斜光一作

古橋村

唐劉長卿詩桂陽西洲曉

陽暮鳥飛門前雪滿無人迹應是先生出未歸

泊古橋村主人洛陽別離久江上心可得惆悵增暮情瀟湘復秋色故

山隔何處落日羨歸翼滄海空自流白鷗不相識悲菴滿荆渚輟棹徒沾

臆行客念寒衣主人愁夜識帝鄉片雲去

公橋村

元董嗣果英溪集病中步入蔡公橋

遙寄千里憶南路隨天長征帆杳無極

村落間水淺篙師勞况值夏日炎舟維蔡橋境扶行禦頑疴誰期村疇

中雙屐苔花粘同行幸同志出語無猜嫌曉霞晚必雨故老嘗所占兩行

桑麻香農計得盡規偶聞讀書聲白叟依茅簷自奮力稼畊其志方隱潛

延我坐俄頃障日西垂簾竹床半已弊暫睡亦安恬傳酒強我飲飲絕徒

掀髯神思偶爾

城門村

宋楊誠齋江東集舟過城門村清曉雨止日

清吟興為此添出五日銀絲織一籠金鳥捉取送籠中知誰

放在扶桑樹祗恠滿溪煙浪紅深村可笑是居民生長荒山野水濱搥

出籬東攜穉子走來岸上看官人鬢鬆睡起攬詩編信手繙來誦數篇

忽有篙聲仍絕叫，隔篷知是上灘船。行人都上半山青，記得前朝傍險行。左右回身看不徹，兩邊已失一灘聲。地錦花鋪地錦衣，碧茸上織紫

花枝垂揚舞罷驚，停唱不捲華網待阿誰。**銅鼓村** 合浦志：銅鼓村在離洲六鋪西北，上有

之郡以為更籌之用，有吳提刑宗且詩：舊經云：按隋地理志：嶺以南二十餘郡，其人輕悍，椎結箕踞，乃其舊風。其里人則質直尚信，諸蠻則勇敢自

立，皆重賄輕死，惟富為雄，巢居崖處，盡力農事，刻木以為符書契，言誓至死不改，故其俗親戚聚會，多以匏笙銅鼓為樂。**石鼓村**

宋史：王光祖傳：光祖字君俞，開封人，為真定鈐轄，吐蕃圍茂州，光祖領兵三千，會王中正破鷄宗關賊，據石鼓村，扼其半道，中正召諸將問計，光祖

獨請行，既抵石鼓，擇銳兵分襲土蕃背，出其不意，皆驚遁。**囊村** 江少虞類死嶺南雜錄云：海灘之

容州與合浦密迩，頗知其事。珠池凡有十餘處，皆海也，非在灘上自某縣岸至某處是某池，若囊村皆池名也，悉相連接在海中，但因地名而殊矣。

合浦志：在揚海池離州六**壺村** 宋蔡戡定齋集：壺村賦：旃梅協洽十里，係囊村面接巨海。

臯月游旬子蔡子即所居之側，鋤瓦

礫薙荆榛。畚土為址。誅茅為亭。朴不至陋。潔不至精。越月既望。落亭之成。榜曰壺村。姑撫其實。而寓之名。有容疑焉。問所以名之之因。蔡子曰。壺村之地。延袤不殊。折旋中矩。如在僊家之方壺。壺村之境。車馬不喧。花竹秀野。如遊武林之桃源。蓋壺以形似喻村。以景物言也。若夫天宇澄廓。萬象著明。踈星渡河。皓月經庭。風余髮。芳蕭蕭。露余衣。芳零零。此皆壺村之物。足以適野人之情。有醴有萍。有琴有書。或劇談抵掌。或愁吟撚鬚。或箕踞偃仰。或嘯歌懽呼。此皆壺村之趣。足以為野人之娛。蟬噪木杪。蛩鳴草際。清晨而蛙鼓。輒作長夜而蚓歌。不已。此壺村之至音。雖不合於衆聽。而足以悅人之耳。掇實於花。拔萌於竹。剪芳根。芳霜杞。擷清英。芳露菊。此壺村之真味。雖不可於衆口。而足以克野人之腹。甚則三時不務。五穀不分。婦不知織。子不知耕。非理之征。不及。非時之役。不聞。是又有田家之樂。而無田家之勤。此吾所以自適其適。因以名吾之亭。客曰噫。人弃子取。彼重此輕。不山林而隱。不軒冕而榮。壺村之樂。獨金子真。此而無述。子意莫陳。誰其誌之。壺村野人。

斗村

輿地紀勝按廣州志云。廣州東百里。

有古斗村。自此出海。溟渺無際。

三寶村

太平廣記扶風縣之西南有三寶村。故老相傳云。建村之時。有胡僧謂村人曰。此地有寶。

氣而今人莫得之。村人曰：是何寶也。曰：此交趾之寶，數有三焉。故因以三寶名其村。詳寶。

金鏤村

輿地紀勝：金鏤村者，乃莫狀元

讀書堂處。

千金村

宋周宗溥歸來集：喜王性之見過千金村。已西東，喜復相逢。亂世中，萬事變更。唯舌在，三年流落。

春來書劄

轉塗窮，雲收野寺，侵廊水月掛孤帆。送客風，剩欲留君明日住，夜闌難得一罇同。周南山房集：千金村，彌望皆菜花。麥前種取油，種豆燃箕地力勞。更

將菜甲壓豨膏，豪家拒教

橫槎村

橫州志：橫槎村，舊橫州治所。宋慶曆二年，儂智高亂，賊泐流而下，郡

人棄城去，因遷郡治。今

小粉村

宋楊誠齋南海集：宿小粉村。暮宿惟世堞猶存在江之南。溪邊小粉村，一峯如筆正當門。看來

山色元無粉拂

第一村

鎮江志：第一村在豎土山下。宋常守孫楚望之別墅也。又號牧坡，有庵曰無極亭。四曰水

天平遠，曰天根，月窟，曰虛白，曰橫雲。象灑素希益為記。文曰：牧坡霽窻，孫

楚望之別墅也。江山之勝，甲南徐。景定壬戌仲春，既望，岷山王君文眉山

朱德華合陽王子厚暨余來遊，訪楚望於第一村。講洛中先賢真率會故事，淮蜀同風，氣味膠漆。牧坡鰲負首對江濱，亭四庵一水，天平遠居首而

事。淮蜀同風，氣味膠漆。牧坡鰲負首對江濱，亭四庵一水，天平遠居首而

為之冠。是日也。風軟日和。春氣盎盎。百卉初發。始會于虛白。泛梅而飲。數行輒捨去。山陰佳致。觸處皆然。未暇一一應接。攝衣而上。遂飲於水天平。遠風樞洞開。萬景翕聚。長江橫陳。翠岫騰赴。生煙遠樹。淮鄉之明滅。雲帆沙鳥。海上之來去。率獻竒於斯亭之下。金山孤撐。紫丹繚碧。入我研席。攬不盈尺襟懷。舒適痛飲。無算笑語。浩浩直造乎天根。月窟。余曰。昔晉人金谷之會。二十有四人。大率皆金多之流。爾何足道哉。吾曹僅僅五人。作真率飲。何歉乎彼。莫不捧腹大笑。又捨去。飲於無極。有先天圖在焉。筌蹄玄象。寓意文楸局未終。又捨去。飲於橫雲。夕陽在山。禽聲零亂。杯盤狼藉。蔬甲雜進。諸賢已稅駕醉鄉矣。然猶眄戀橫斜。愛惜澹佇。復還於虛白。馬飲以此始。亦以此終。從者竟日提壺挈具。不得休息。穿林陟巘。求吾曹於翠微間。未嘗以屢遷為苦。似可人意。馭僕有醉謳。亭左者不問。大白覆手而不悟。山屐去齒而不顧。風中墜地而不知。不知身世之交累。賓主之為誰。然後相與扶藜而歸。又不知天壤之間。山林之樂。有如此乎否也。其視大庭氏天放之遺民。不亦庶幾矣乎。若夫遊峴山而傷人物。遊蘭亭而痛死生。遊新亭而哭山河。風景往往未知酒中趣耳。吾五人則不暇詰朝。楚望簡余曰。昨之遊不可無記。願屬之子為山中佳話。不敢辭也。

漁

村

宋王炎雙溪集漁村 聞道江村好人家。菴畫中持盃聽款乃。支策望空濛。日落收踈網。潮生繫短篷。君嘗詢訪否。恐有陸龜蒙。黃公度

知稼翁集乙亥歲除漁梁村 年來侶覺道路熟。老眼空更歲月頻。爆竹

一聲鄉夢破。殘燈夜永客愁新。雲容山意商量雪。柳眼桃腮領畧春。想得

在家小兒女。地爐相對說行人。陸放翁劍南續藁泛舟至蜻蜒浦小泊漁

村 醉泛蜻蜒浦。咿啞一舸聲。陂塘秋水瘦。墟落暮煙生。野店曾留醉。樵

翁不記名。相逢雖惘惘。懷抱已先傾。薛嵒雲泉詩集漁村雜句十首 莫

論塵土與煙霞。收拾襟懷即我家。絮帽蒙頭霜月下。水村深處看梅花。

非智非愚浪着鞭。前程倒指事茫然。臨流一洗巢由耳。獨立斜陽認釣船。

盡醉茅柴得自由。蘆花飛雪滿人頭。蓑衣碎葉重重補。聽雨吟風卒未

休。青山如主復如賓。相對無言意自真。富貴不應忘此味。從來世上少

閑人。月下門開不用敲。渡頭長繫木蘭橈。盤飧市遠從真率。會宿何妨

屢卜宵。澤畔行行歌楚騷。一襟忠憤付湘濤。難教舉世無醒者。莫羨漁

翁活計高。三五人家住一灣。近城無路去來難。溪邊自結同吟友。松栢

青青到歲寒。野水微茫路欲迷。重重沙渚自高低。鷺鷥飛過無心泊。直

入殘陽樹杪棲。猿鶴何曾肯受羈。偶來亭畔立多時。物情未到忘機地。

步步行行直自疑。白雲相顧尚依依。十載江湖負宿知。時事未容輕所學。山中依舊只吟詩。又漁村雜詩十首再和前韻。晴空萬里散餘霞。

一葉漁舟穩似家。學道未能全寡欲。水邊隙地亦栽花。蘭菊分畦筍作鞭。南山相對意悠然。城中有路何曾入。只許蒼頭趁釣船。此身閑却有

來由。白髮中年已上頭。莫道無官無可弃。從今放下一齊休。獨作漁樵最上賓。土風淳朴物情真。鮑家兄弟皆和樂。林子詩豪瞻壓人。林鮑皆漁

村鄰舍。趁簷脩竹晚風敲。古寺僧歸月下撓。童子閉門無一事。只須清坐過中宵。微吟朗詠足風騷。切莫危言試怒濤。雲本無心泉自潔。不因

作意立名高。生涯小小落溪灣。妻子知時不說難。畢竟直鈎為計拙。晚來無酒可銷寒。暝色和煙四望迷。仰眠牛背覺天低。村翁遙指笙歌處。

此地魚沉鳥不棲。雉入樊籠馬受羈。低頭猶怕起來時。人心到此無真識。未必人疑先自疑。歲寒無物可相依。惟有梅花似故知。名世何曾在

科甲。西湖處士只吟詩。又漁村晚照。舊遊憶得瀟湘路。今喜煙波似舊時。澤畔怕逢漁父問。桃源已被世人知。數家草市添新戶。一樹寒鴉傍

古祠。蘭杜香深州渚闊。小牕長日賦騷辭。又漁村有感。小窓長日苦吟聲。獨倚闌干看晚晴。居士莫疑貧可棄。春風不為病相輕。梅邊紙帳重

重影壁上離騷字字清鷗鷺往來情更熟只消此地度殘生 又漁村即
事 維舟古渡頭四望是汀洲水闊唯宜夏荷枯不礙秋困歸牛背穩曉
汲井雲浮獨坐愁無侶多番為月留 又漁村偶題 莫道柴門窄斷無
車馬聲苦吟成集少久病見人生花落寒猶在春陰雨未成漁村名自我
鷗鷺勿相輕 又漁村會諸友戲呈 磯頭濯足動滄浪獨醒何曾與世
妨畫寫騷經粘屋壁未逢漁父似瀟湘遠山不離煙雲色流水時聞蘭杜
香製得荷衣恐驚俗對人稱是楚賢裝鄒用明東麓詩藁漁村 古廟隱
深樹小舟橫淺沙岸蘆抽晚筍汀芷落寒花綠水一雙鷺青煙三四家趁
晴爭曬網漁戶侈生涯元虞集學古錄題漁村圖 黃葉江南何處村漁
翁三兩坐槐根隔溪相就一煙棹老嫗具炊雙瓦盆霜前漁官未竭澤蟹
中抱黃鯉肪白已烹甘瓠當晨粲更擷寒蔬共荏席垂竿何人無意來晚
風落葉何毳毳了無得失動微念况有興亡生遠哀憶昔采芝有園綺猶
被留候迫之起莫將名姓落人間隨此橫圖卷秋水孫居敬疇奄詞漁村
即事好事近 買斷一川雲團結樵歌漁笛莫向此中輕說汗天然寒碧
短篷穿菊更依棖香滿不須
若村 國朝胡居敬集 臨江人若村記
摘搔首斷霞夕影散銀原千尺
出郡郭東行十餘里有勝地

曰沙堤堤之上竹樹綿密途遙縈迂環之地而居者茅舍相望其族之蕃且大者曰陳氏陳氏之先有為郡錄事參軍者有仕至邑令者宦譜流芳遠近推之友人黃楚崇嘗語余曰吾家白湖之上距沙堤二三里世為姻媾詩書道義之好弥久而弥厚也陳氏多佳子弟其字以君材聞于人者又陳氏之隱君也君材好讀書善與人交闢一室外植花竹中列圖畫顏其軒曰若村措紳之士咸詠歌其事幸為記之余聞村之為言聚落也豎也字通云經史無村字集韻暨復古編字當從邑從屯今作村世俗所通用也夫近山而居者謂之山村近江而居者謂之江村今君之所居近蕭水二三里許宜目之曰江村矣顧以若村名蓋沙堤經兵燹之餘華堂廣廈悉化為瓦礫矣今之結屋而居者非復承平之舊也閭閻岑寂蕭鼓之聲不聞徘徊顧瞻境與心合因思昔時之華麗感今日之荒涼尚村之不若也或者曰今之人狀貌朴野威儀不戢世咸目之曰村君豈有慕于斯余曰漢廷大臣皆木強敦厚遲鈍少文世俗所謂村也蓋論語之言曰先進於禮樂野人也釋者曰野人謂郊外之民蓋亦村耳孔聖欲從先進乃厭乎彬彬之文惟質朴為貴君以若村自號豈慕是歟余山居野人也賦性朴魯俚而不華殆真村者不但若也清時暇日訪君於沙堤之村俯樵

唱於谷口賡漁歌於渺茫飲村酒賦村詩幸毋
謂我曰子真村居人也是以能知村之樂焉

東村

宋陸放翁
續集東村 信

脚村墟路歸來日未西波清魚隊密風小鵲巢低白水初平岸青蕪亦徧
犁市墟多美酒飲具不須齋 野人知我出門稀男輟鋤耋女下機掘得

茈菇炊正熟一杯苦勸護寒歸 野人喜我偶閑遊取酒忽忽勸少留舍
後携籃挑菜甲門前喚擔買梨頭 雨霽山爭出泥乾路漸通稍從牛屋

後却過鶴巢東泱泱沙溝水翻翻麥野風欲歸還小立為愛夕陽紅 今
日風日和衰疾亦少平出門無所之携幼東村行吳地冬未冰濺濺溝水

聲山卉與野蔓結實丹漆并鷄犬亦蕭散如有世外情舉手叩柴扉病叟
喜出迎從我語蟬聯未寒疇昔盟解囊付之藥與爾偕長生 塘路東頭

烏臼林偶携藤杖得幽尋桃源阡陌自來往輞口雲山無古今遠浦過帆
供極目暮天橫鴈入微吟歸來更覺愁無那剩放燈前酒椀深 遊東村

露草衡門曉風松一塢幽新春有佳日老子得閑遊鷗為忘機下魚緣
得計浮歸途無遠近一葉亂漁舟 東村散步有懷張漢州 扶杖村東

路秋來始此回寒鴉盤陣起野菊卧枝開憂國丹心折懷人雪鬢催房湖
八千里那得尺書來 散步東村 偶從北崦繚東崗曳杖行歌步夕陽

一徑入雲多廩跡數家臨水共魚梁野風蕭瑟知秋早社酒淋漓喜歲穰
鄰曲不須憐老億尚能尋句荅羊光泛舟至東村野火如天遠漁舟
似葉輕颼颼風漸冷淡淡月初生沙際樵蘇路籬間語笑聲還家已薄暮
燈火照柴荆雨中過東村小雨空濛物象奇偶扶藤杖過東陂墊巾
風度人爭看臘屐羊光我自悲窮鬼有靈揮不去死魔多力到無期歸來
笑向磨門說且了浮生一首詩初冬步至東村八月風吹稷稻香九
月蕎熟天始霜男耕女饁常滿野宿麥覆塊皆蒼蒼豐年比屋喜迎客花
底何曾酒杯迓家人但覓浩歌聲不在東阡在南陌與兒子至東村過
父老共語因作小詩桑竹穿村巷衡茅隔土垣海氛成物象秋氣肅川
原豆芋行將熟雞豚亦已繁豐凶歲所有農事更深論晚寒自東村步
歸夕陽下平野落葉滿荒街村居賣麩麩人家燒豆豉溪風透布褐草
露徑茫鞋骨相元如此何由與世諧東村步歸二首野瘦霜風冷茅簷
夕照明催科醉亭長聚學老書生山果紛丹漆村醪任濁清路回家忽近
柳外小橋橫風陣鴉翻黑霜林葉半丹筋骸欣小健裘褐戒初寒代步
雞栖足充飢鶴料寬平生自如許况已掛吾冠東村晚歸蜀道還吳
鬢欲絲歷年二紀固應衰寧知病思沉縣日又見秋風搖落時錦雉白魚

供野餉青林紅樹入新詩東村寂歷風煙晚酒掛驢肩又一奇滕仲禮東
庵集暮春東村道中沙帶草痕留馬住雲移日影趁人涼貪看水上風

行處不覺沁溪十里長趙明翁野谷詩藁東村晴久全無雨溪乾半是
沙風橫分鴈陣日轉趣蜂衙地僻草埋徑籬摧菊卧花橋西一林竹瀟酒

兩三家元劉文簡公集東村寓興野水平波數點鷗遠村高樹一聲鳩
出牆白簇蠶初老滿地黃雲麥已秋文舉自宜官北海淵明只合事西疇

行藏了屬乾坤管一笑誰能獨倚樓王文忠公集東村道中羸馬東村
路遨遊此日閑寒風初凜冽秋菊尚爛斑古道橫清溜平林出遠山茅茨

誰氏隱瀟西村宋北盟錄西村徽宗時王黼作相賜第城西竹竿
酒水雲間巷窮極華侈於第之西號西村以巧石作山徑詰屈

往迓數百步間以竹籬茅舍為村落之狀都城相第乃有村名識者以為
不祥強祠部集同楊公濟賦晚過西村空影倒波面晚陽留樹梢人煙

青近郭烏道暗長郊世外空搔首溪邊懶結茅滄浪那敢羨漁父定吾朝
呂南公灌園集西村東村豈不佳西村自清幽南村亦可居俗悍不易

投維此兌嶺曲坡陀遠川流桑麻有青園耕稼有綠疇雲風十里外足舉
曠望頭本無車馬誼豈有聲利愁伊我先君子故家待增修還當起楹簷

此志敢不求開闢三處徑疏通四前溝有軒列琴書有室貯鋤耨壓麴擬
長醉藏芻待肥牛超然了餘生不問萬戶侯我策久已決我身強悠悠安
能荷篠翁不以意相收憶西村東岡西下古墩頭草木風煙事事幽
畦壟彎環延果菜零箸參互獻魚鰕常開夜戶夸無寇競撥香醅賀有秋
願定此居猶未得豈堪僥倖望公侯陸放翁劍南續集西村湖塘西去
兩三家杖屨經行日欲斜處處水紋生細穀蜿蜿沙路卧修蛇早餘蟲鏤
園蔬葉寒淺蜂爭野菊花老去郊居多樂事脫中未用歎蒼華亂山深
處小桃源往歲求漿憶叩門高柳簇橋初轉馬數家臨水自成村茂林風
送幽禽語壞壁苔侵醉墨痕一首清詩記今夕細雲新月耿黃昏今年
四月天初暑買蓑曾向西村去桑麻滿野陂水深遙望人家不知路再來
桑落陂無水閉門但見炊煙起疑是羲黃上古民又恐種桃來避秦遊
西村昨夜雨多溪水渾不妨喚渡到西村出遊始覺此身健無食更知
吾道尊藥笈可賒山店酒筇枝時打野僧門歸來燈火茅簷夜且復狂歌
鼓盎盎乍晴行西村堤樹叢祠北煙村古埭南買魚論木盎挑薺滿
荆籃積潦經旬月晴光見二三農功殊可念保麥復祈蠶西村勞農
川雲散盡十分晴繚出溪頭信意行片片飛花隨步遠離離芳草上墻生

村深日暖單衣爽路轉沙平兩屨輕
臘月風和意已春時因散策過吾鄰
草煙漠漠柴門裏牛迹重重野水濱
多病所須唯藥物差科未動是閑人
今朝佛粥更相餽更覺江村節物新
步至西村一飽無餘事西村偶獨行
筇筇息微倦汲井漱餘醒川闊鴈平渡
谷虛雲亂生絕知豐歲樂笑語隔柴
荆乍晴風日已和泛舟至扶桑埭徘徊
西村久之十日風雨今日晴
衰病忽減思閑行接籬一幅煙霧薄
舴艋八尺鳧鷖輕亭亭孤塔遠天碧
曲曲深巷斜陽明數家茅屋門晝掩
不聞人聲聞碓聲身似龐公不入城
東阡南陌餞餘生新年儻有豐年喜
買酒漁村看太平遊山西村莫笑農家
臘酒渾豐年留客足雞豚山重水複疑
無路柳暗花明又一村蕭鼓追隨春社近
衣冠簡朴古風存從今若許閑乘月柱
杖無時夜叩門西村暮歸天氣清和修
禊後土風淳古結繩前村村陂足分秧
水戶戶門通入郭舡亭障盜消常息鼓
坊場酒賤不論錢行人爭看山翁醉頭枕
槐根卧道邊西村晚歸小塢花垂盡
平隄草欲迷日長鶯語久風定絮飛低
子響聞棋院舟橫傍釣溪歸途不知處
依約埭東西散步至三家村即湖乘埭
西村名人情簡朴古風存暮過三家水
際村見說終年

常閉戶仍聞累世自通婚。曾舡歸處魚殮美，社瓮香時黍酒渾。記取放翁
扶杖處，渚蒲煙草溼黃昏。張佖拙軒藁西村。籃與軋軋過西村，小麥青
青雨露恩。山色無窮開遠近，民家守分度昕昏。僧精持課歸林下，客自携
尊醉竹根。每日塵氛牽百念，要須結屋浸溪痕。郭功父絕句西村。遠近
皆僧刹，西村八九家。得魚無賣處，沽酒入蘆花。會稽林槩詩集綠郊凝望
久徘徊，落日川原映古臺。江上晚風三弄笛，隴頭春信一枝梅。東西陌外
煙光度紫翠，峯前霽色開。不是羅敷莫迴首，城南五馬使君來。元程雪樓
集樂廷玉西村。南土信云美，西村還是家。駸尋新歲月，夢寐舊桑麻。汶
泗青山遠，荆吳白日斜。政成聊自樂，繞屋種名花。虞集道園遺藁西村山
水。一段雲山一段秋，蹇驢尋壑更經丘。他年投老終南去，應有松間覓
舊遊。周衡之北山集西村。松深翠氣薄，吟衣曲逕盤。盤護槿籬野，碓舂
泉分澗。急山鍾送曙，出雲遲人家。綠艾端陽節，天氣黃梅細。雨時刈麥稼
秧農事足，西郊生意綠無涯。王惲秋澗集西村。三首和韻。種來佳樹自
扶疎，秋草當階不忍鋤。城府事囂閑，靜重林墟秋熟物。情舒溪行改，逕農
耕後漁浦移。梁水退餘我自興，來成獨往手拖拄。杖不中車，近歲行藏
匪自踈。胷中刺鯁要誅鋤，通明縱使同方進。樸鈍何如似魏舒，堂上伊瀟

從肉食橋中游戲喜霜餘八駒前馭非吾事正要安徐下澤車 村量身
世兩乖踈去學淵明荷短鋤時事未容閑裏過人心安得老來舒沙鷗遠
汎機先識穴鼠深藏壤有餘我輩所行多倒置早資舟楫水資車 又二
詩 兩月秋霖不出門今朝騎馬到西村高空氣肅雲歸壑老樹風多葉
擁根謾說田園宜野隱爭趨朝市羨時奔古人大抵崇高節飢凍當時所
不論 秋來泥潦擁柴門兩月幽棲不到村野鳥伴畊翔水滴寒蟲催織
繞籬根有生未免憂饑凍舉世其能息競
奔仕不力任閑不足一生心苦欲誰論

南村

蘇州府志南村在越
來溪西吳山下寺簿

盧瑢所居扁曰吳中第一林泉有御書得妙堂扁當時有盧園三十詠以
記之 南村柴關帶煙隄吳中第一林泉佐書齋吳山堂正易堂紫芝軒
瑞華軒靜宜軒玉華臺蒼谷來禽鳴逸民園植竹處江南煙雨圖香岩湖
山清隱聽雪傲蓑得妙堂雲邨香岩玉界古芳玉川館山陰畫中杏仙堂
藕花洲桃花原曲水流觴其一缺唐浩然齋雅談南村 繞塘浮苧葉滿
地落桐花郭外無多路村南第幾家過橋喧晚碓截水浣晴紗楚老生涯
足春風二畝瓜宋張侃拙軒集郁李花開春漸殘海棠猶自映杯椽燕隨
風舞迎人暖鳩喚雨來連夜寒兩水中分清可燭上陌澗水一自石瀨一

自白竹塢合流自青林廟前匯入湘溪。群山環揖秀堪餐。兒童成隊逢寒食。紙翦飛鷺貼霧端。蒲壽宸心泉學詩藁。每懷淵明老。昔欲居南村。誅茅結矮屋。種桑陰前軒。嘉蔬不盈掬。濁酒時一尊。客至如許行。惟愛神農言。元藍靜之集。亂來村野幾家全。近長丁男亦戍邊。辨得軍裝牛已賣。門前荒草是官田。張子淵文集南村五月多佳致。池館風微藕葉涼。落日捲簾人語靜。小窻無夢客愁長。誅茆可作歸田計。煮字難為辟穀方。我欲遠追黃綺輩。采薇歌斷白雲鄉。

北村

宋葉水心集北村記。戶部尚書吳興沈公築園於城北奉勝門外而使告余曰。北村畝餘三十中。

澁五池。大半皆水也。其為叢花茂木之蔭狹矣。靈壽書院劣容。卧起而移老堂巨屋也。不過三楹而止。其為崇閣邃宇之居褊矣。洲藏渚伏。濠港限隔。非舟不能通道。相為市者皆魚鰕之友。菱芡之朋。而冠帶車馬之未絕矣。併日却坐分夜。獨宿。榜回棹。轉穿南北。而透東西。遺音欸乃。常在庭際。而絲竹鼓鍾之奏息矣。蓋其陋若此也。惟對湖臺高不逾丈。具區前臨湖心。遠峰明晦。滅沒近而後。溪鳳凰。毗弁諸山。往往湊泊於溪山亭之下。殆或天與者。雖然是亦樵夫野人之所同有也。若夫城中甲觀大園。照耀映奪。曾不敢仰視而側立也。吾聞古之善游者。粗於天而不精於人。今吾齒

莽而營之苟且而成之姑以寄吾身於一壑之內而游於天地之外非所謂粗耶故名其園曰自足而甲觀大圃照耀而映奪者非惟不敢望亦不敢羨焉余謂公冲約有清識既以天趣得真樂而又能抑損其言不自夸擅可謂賢矣余嘗評天下山水之美雖質文變態各異而吳興特為第一其山脉地絡融液而浸灌者莫非氣之至清滄止演漾澄瑩紺澈數千里接以太湖蒲荷蘋蓼盛衰榮落無不有意而來鷗去鳥風帆浪楫恣肆渺莽不知其所窮昔之功已就若范蠡身不用若張志和之流未嘗不遁逸嘯歌於其間蓋仙聖之宅非人世也余海濱之人山凡水俗常恨不得生長其地而尚友其賢豪今公乃以築圃曲折名實大指使余記之豈非所願欲也哉唐白樂天詩宿紫閣山北村晨遊紫閣峯暮宿山下村村老見予喜為予開一樽舉盃未及飲暴卒來入門紫衣挾刀斧草草十餘人奪我席上酒掣我盤中飡主人退後立斂手反如賓中庭有奇樹種來三十春主人惜不得持斧斷其根口稱采造家身屬神策軍主人慎勿語中尉正承恩宋張橫渠集題北村六首陸軸嘔一作伊啞麥上場謳歌聲韻滿村坊茅齋病叟安閑久帝力民歡殆一作始兩忘求富誠非憚執鞭安貧隨分樂丘園兩間茅屋青山下羸得浮生避世喧負郭吾廬

二頃田。面山臨水。跨通川。蘇秦妻婦無高識。盛說腰間六甲懸。風泉盈耳鬢斑斑。林下幽窻對萬山。婦子職修簞食足。病身何幸亦安閑。不堪

煩一作殘。暑病荒城。六月儵然寓野亭。珍重南山且歸去。再一作重來相

望雨中青。渭南涇北已三遷。水旱縱橫數頃田。四十二年居陝右。老年

生計似初年。耶律鑄雙溪醉隱集。過北村。麥禾經場谷尚青。縣官嚴令

督秋徵。嗔他問著西成事。斜倚鋤耰並不磨。寓居靈州北村。野色荒

煙暗。氛霾晝影昏。客情紛若絮塵事。亂如雲。揚柳春風渡北有。近村

黃河渡。梨花暮雨村。村落梨花特盛。不如歸去鳥。著意喚誰聞。

宋王質雪山集。近村。急急殺殘點。沉沉敲遠鍾。黃深湖霧重。白厚草霜

濃。慘澹兵交氣。淒涼歲晚容。雲山望不極。吾恨亦重重。陸放翁劍南續藁

去。去柴車十里中。竹林密處路纔通。漸聞水磴知村近。遙望禾囷喜歲豐。

漁艇往來春浪碧。人家高下夕陽紅。百錢又向旗亭醉。自笑吾生亦未窮。

家居每思出。出亦無與遊。江山豈不佳。乃復生我愁。不如適近村。家家

業農疇。深巷鳴鷄犬。長坡下羊牛。棗熟稻當獲。桑落酒可菊。寧無賓祭須。

柿栗良易求。醫翁日過門。得藥疾自瘳。婚嫁不出村。百世加綢繆。我來每

絕嘆。恨不終歲留。人生正應爾。底事須王侯。遊近村二首。行歷茶岡

到藥園却從釣瀨入樵村。半衰半健意蕭散。不雨不晴天晏溫。薯蕷傍籬
寒引蔓。菖蒲繞石瘦生根。參差燈火茅簷晚。童稚相呼正候門。被髮行

歌雪滿膺。夕陽顧影亂鬚鬢。乞漿得酒人情好。賣劍買牛農事興。社鼓賽
秋聞坎坎。塔燈照夜望層層。歸來閑指烏藤說。箇是人間耐久朋。十月

旦日至近村。鴨脚葉黃烏臼丹。草煙小店風雨寒。荒年人家雞黍送芋
羹。豆飯供時節。村童上牛蹋牛鼻。吹笛聲長入煙際。今年雖飢却少安。縣

吏不來官放稅。避暑近村偶題。乞得身歸荷聖時。登臨筋力未全衰。
楚祠草合三叉路。項羽廟在項里。隋寺苔侵半折碑。安隱院也。孤店不妨

乘月宿扁舟。頻為看山移。紅塵冠蓋真堪怕。還我平生白接羅。野步至
近村。耳目康寧手足輕。村墟草市遍經行。孝經章裏觀初學。麥飯香中

喜太平。婦女相呼同夜績。比鄰竭作事春耕。勿言野饑無鹽酪。筍蕨何妨
淡煮羹。偶出至近村。神爽無酣寢。身閑有劇棋。說詩橫擲栗。賒酒挈

鴟夷。寺古殘香冷。溪深獨木危。往來元信步。不是赴幽期。信步近村。
端闕何以永今朝。拈得筇枝度野橋。三畝空園喧啄木。十尋高樹絡凌霄。

長飢未必緣詩瘦。多悶惟須賴酒澆。興盡歸來又陳迹。一林風葉暮蕭蕭。
飲酒近村。放翁睡多少。行立人扶往。赴鄰里集。痛飲山花插鬢紅。醉

歸棘露霑衣濕紗中一幅何翩翩庭中弄影不肯眠莫欺此老今衰甚曾
見高皇狩越羊縱步近村病去身輕試杖藜滿村麩麥正離離照溪
自歎尚微瘦趁瘦人言殊未衰草塞餅頭沽濁酒花簪笠頂引群兒裴回
不恨歸差晚正愛青燈映竹籬殘秋遊近村度塹穿林脚愈輕憑高
望遠眼猶明霜凋老樹寒無色風掠枯荷颯有聲泥淺不侵雙草屨身閒
常對一棋枰茅簷蔬飯歸來晚已發城頭長短更雨後過近村賦罷
淵明歸去來紵衣桐帽一時裁歲華新筍初成竹天氣停雲未斷梅江路
醉歸常嵬峩僧窻閑過即徘徊老人剩有凋年感寄語城笳莫苦催又
二首 夜雨曉方止朝雲猶作陰山餘一寸碧溪長半篙深卧泛白鷗渚
行穿黃葉林老農能共語真率會人心羊羣身猶健秋高疾已平隣翁
思問訊蔬圃要巡行竹杖輕無迹芒屨捷有聲相逢無別語努力事冬耕
病起遊近村老人摧頽絕造請門設常關草生徑一年三百六十日
三百五十九日病一日不病出忘歸繞村處處扣柴扉水東溪友新酒熟
舍北園公菰菜肥平生養氣心不動黜陟雖聞了如夢從今病愈即相尋
共聽糟牀滴春瓮野步至近村隨意出柴荆清寒作晚晴風吹鴈北
鄉雲帶月東行童穉爭追逐漁樵習送迎白頭寧復仕惟此錢餘生步

至近村。藥物扶持疾漸平。布裘絮帽出柴荆。荒堤經雨多牛跡。村舍無人。有碓聲。數蝶弄香寒菊晚。萬鴉回陣夕楓明。老翁隨意閑成句。不似劉侯要取名。
秋陰至近村。村店閑尋酒筇枝。瘦倚肩雲齊龍卷。雨野曠。鶴盤天。露井飄桐後。清觴泛菊前。欲歸還小立。搔首意悠然。雪中至近村。
荒山風雪歲將殘。貸粟迢迢犯苦寒。急燎裘憇牛屋。旋沽村酒掛驢鞍。清貧徹骨初無憾。老健逢人強自寬。深夜還家未能睡。解囊吹火取詩看。
初冬至近村。南國霜常晚。初冬葉始紅。曠懷牛屋下。美睡雨聲中。沮水憶浮馬。西鄙軍行溪。過澗皆浮而濟。嶓山思射熊。何由効唐將。八
十下遼東。宿近村。病齒漂浮短髮稀。此身猶墮亂書圍。邯鄲倦枕晨炊熟。昌谷空囊晚醉歸。久困厭從人乞貸。力耕頻遇歲凶饑。行年九十窮彌甚。旅舍燈前自綻衣。
近村暮歸。莫笑山翁雪鬢繁。歸休幸出上恩寬。蠶樽恰受三升醞。龜屋新裁二寸冠。蠶樽即皮襲美所云。訶陵樽也。子近以龜殼作冠高二寸許。僧閣鬻茶同淡話。漁舟投釣卜清歡。還家欲作諸孫贈。村路累累柿未丹。
初歸偶到近村戲書。雨過一村暗風回。百草香刺船過古埭倚杖立。新塘醉覺乾坤大。閑知日月長。暮歸詩滿卷。雖老尚能狂。小舟遊近村。捨舟步歸。四首。數家茅屋自成村。地碓聲中

畫掩門寒日欲沉。蒼霧合人間。隨處有桃源。借得漁舡。泝小谿。繫舡浦口。却扶藜。莫言村落蕭條甚也。勝京塵沒馬蹄。不識如何喚作愁東阡南陌。且閑遊。兒童共道先生醉。折得黃花。插滿頭。斜陽古柳。趙家莊。負鼓盲翁。正作場。死後是非誰管得。滿村聽說蔡中郎。泛舟至近村。茅徐兩舍。勞以樽酒。小舸悠颺。亦樂哉。迢迢故取北村回。山從樹外參差出。水自城陰曲折來。樂歲共忘東作苦。殘租不待急符催。舊鄰父老睽離久。喚取開顏把一杯。次前韻。少壯即今安在哉。輕舟訪舊莫輕回。兒童擁岸迎舟入。婦女窺籬喜客來。多難只成雙鬢改。流年更著暮笳催。放懷魚鳥平生事。少住茅簷盡此杯。小舟白竹篷蓋。保長所乘也。偶借至近村。戲作絕句二首。茅簷細雨濕炊煙。江路清寒欲雪天。不愛相公金絡馬。羨他亭長白篷舡。雪雲無際暗長空。小市孤村禹廟東。一段荒寒端可畫。白篷籠底白頭翁。新晴泛舟至近村。保得雙鯁而歸。秋風一夜老汀蘋。剡曲稽山發興新。青嶂會為身後塚。扁舟聊作畫中人。園林搖落知寒早。父老逢迎覺意真。歸舍不妨成小醉。眼明細柳貫霜鱗。

深

村

唐韓偓別集。余卧疾深村。聞一二郎官。令稱繼使。閩越笑余迂古。潛于異鄉。聞之。因成此篇。枕流方採北山薇。驛騎交迎市道兒。霧豹

祇憂無石室泥鱗唯要有滂池不羞莽卓黃金印却笑羲皇白接籬莫負
美名書信史清風掃地更無遺 深村 甘向一作老深村固不材猶勝
摧折傍塵埃清宵翫月唯紅葉永日關門但綠苔幽院菊荒同寂寞野橋
僧去獨徘徊隔籬農叟遙相賀且喜依時膏雨來弘秀詩集宿深村 行
行一宿深村裏鷄犬豐年鬧如市黃昏見客合家喜月下取魚庠塘水宋
韓澆詩深村 已是依山住更為深村行莽莽少人迹幽幽聞鳥聲忽逢
三回家草樹亦敷榮不覺六七里煙靄還縱橫陳杰自堂存藁小家住深
村 小家住深村獨犬應門戶招麾不去來進止有常處從田仍司盜奔
走亦禦侮常恐下生菴八方嘯狐兔陳允谷餘濱藁深村 深村連日雨
杖屨少追隨積潦占梅候微寒記麥時陰晴弓力定昏曙鳥聲知懷抱誰
堪語傷時鬢欲絲後村先生劉克莊集深村 身老深村負歲華青苔逕
裏是貧家晚風一陣無端急不為山人惜抽花僧文珣集深村 深村堪
就隱隨處有人家地遠官無禁年豐酒易賒烟波藏釣艇山雨送樵車絕
似桃源裏唯無洞口花元艾性夫孤山晚藁深村 索居無遠興晚憇傍
深村磔澁水爭道藜空草托根斷橋回老馬熟果聚飢猿解石僧同話歸
來人掩門馬虛中霞外集深村秋意 過雨山光入眼明菊花店舍酒旗

新村墟近市魚鰕聚禾黍登場鳥雀馴水驛幾株紅葉樹

溪橋數點白衣人太平風景真圖畫長愧詩情寫不真

孤村

宋陸游劍

南續藁孤村 少年誤計落人間晚卧孤村日掩關小室易温爐火省幽

窻常暗架書閑梅橫籬落春初動雲闌川原雪尚慳欲喚一藤同勝踐恨

無傑句壓溪山 老寄孤村裏悠然卧曲肱算貧先放鶴嫌閑併踈僧古

戍高秋笛寒牕半夜燈平生羞說遇多獲豈吾能李俊民鶴鳴集舍南舍

北地多荒三兩人家麥上場卷土盡歸箕斂手未應醫得眼前瘡陳子高

聲畫集大年流水繞孤村圖 少游一覺揚州夢自作清歌與寫成流水

寒鷗總堪畫細看疑有斷腸聲元伍良臣中流集孤村 寥落孤村鬢已

皤豈期壯志竟嗟跼百年事業英雄少萬里乾坤戰伐多嫠婦不知亡國

恨竒人空賦采薇歌蓬萊弱水應無地惆悵西風其柰何左嫠不恤其緯

而憂宗周之隕時舉世好亂故云不知亡國恨也夷齊有采薇歌

永樂大典卷之三千五百八十

永樂大典卷之三千五百八十一 九真

村

詩

唐王建詩村居即事 休看小字大書名向日持經眼却明時過無心求富貴身閑不夢見公卿因尋寺裏薰辛斷自別城中禮數生斜

月照房新睡覺西峯半夜鶴來聲韋應物詩曉經荒村 杪秋霜露重晨起行幽谷黃葉覆溪橋荒村唯古木寒花踈寂歷幽泉微斷續機心久已

忘何事驚麋鹿杜工部詩到村 碧澗雖多雨秋泥先少泥語不稱蛟龍引子過荷芰逐花低老去參戎幕歸來散馬蹄稻梁須就列榛草即相迷

蓄積思江漢頑踈惑町畦久有意出蜀不曉人事分爾我殆幕中有不合故 暫酬知己分還入故林栖 鄭曰先生見切 洙曰曹子建詩俯身散馬蹄

倉舒曰莊子彼且為無町畦亦與之為無町畦 呂溫詩經河源軍漢村作行行忽到舊河源城外千家作漢村樵採未侵征虜墓耕耘猶就破羗

屯金湯天險長全設伏臘華風亦暗存暫駐單車空下淚有心無力復何言白居易長慶集春村 二月村園暖桑間戴勝飛農夫春舊穀蠶妻禱

新衣牛馬因風遠鷄豚過社稀黃昏林下路鼓笛賽神歸張繼詩清明日
自西午橋至瓜巖村有懷曉霽龍門雨春生汝穴風鳥蹄官路靜花發
毀垣空鳴玉慙時葦垂絲學老翁舊游今不見惆悵洛城東杜牧詩村行
春半南陽西柔秦遇村塢颼颼垂柳風點點迴塘雨蓑唱牧牛兒籬窺
舊裙女半濕解征衫主人饋鷄黍韓偓香奩集秋村稻壟蓼紅溝水清
荻園葉白秋日明空坡路細見騎過遠田人靜聞水行柴門狼籍牛羊氣
竹塢幽深雞犬聲絕粒看經香一炷心知無事即長生韋莊詩紀村事
綠蔓映雙扉循墻一徑微雨多庭果爛稻熟渚禽肥釀酒迎新社遙砧送
暮暉數聲牛山笛何處餉田歸村居書事年年耕與釣鷗鳥已相依
砌長蒼苔厚藤抽紫蔓肥風鶯移樹囀雨燕入樓飛不覺春光暮遠籬紅
杏稀李中詩村行極目青青壠麥齊野塘波闊下鳧鷖陽鳥景暖林桑
密獨立閑聽戴勝啼曹鄴詩村行曖曖村烟景牧童出深塢騎牛不顧
人吹笛尋山去宋林和靖集村居書事蕪簡陳賢良抱關隨俗本無能
却掩深居避愛憎兩岸解驚秋釣石風窻花落夜碁燈穿雲寄藥多山叟
列竹留詩半野僧吟閣晚涼堪共望遠峯蒼翠勢層層梅聖俞宛陵集秋
日村行谿霧晝又收山村夜初晦飢禽來往飛遠樹青紅絳原上楚牛

童屋頭吳婦碓。鷄肥酒已熟。野老邀同輩。小村淮闊州。多忽有村棘。
籬踈敗。謾為門。寒鷄得食自呼伴。老叟無衣猶抱孫。野艇鳥翹唯斷纜。枯
桑水齧尺危根。嗟哉生計一如此。謬入王民版籍論。韋驥錢塘集村落。
輕寒切切戰春陽。村落人家意自遑。老婦畫眉窺止水。癡兒曝背坐頽墻。
牛歸小徑蹄痕疊。犬吠空山響答長。夏賦未來秋賦了。片時優佚勝膏梁。
劉公是先生集戴村。羈旅淹歲改江臯。屬春早幽村屢獨往。勝事時默
討深竹尚殘雪。陽崖已芳草茅茨忽連接。鄰里自相保。人猶安道族。景是
山陰道。徘徊問耆舊。或遇棲真老。王無咎集村行。產業家家壞。誅求歲
歲新。平時不為備。執事彼何人。朱戶仍奢侈。柴門轉窶貧。若非衢空畔。無
用說悲辛。夏文莊公集秋日村路。落照明殘菊。村亭路欲分。酒旗降遠
客。鴈陣戰秋雲。斷隴拳螯足。輕波起鶴紋。田家逢樂歲。歌舞賀時君。徐節
孝先生集村家。堦前生蔓草。門外是多岐。老叟行無伴。兒童飽自嬉。鷓
群巢衆樹。狐迹過踈籬。不肯勤耕耨。豐凶為有時。劉龍雲先生集村南。
村南行吟踏新場。馬乘款段壺懸漿。稼如濃雲穰。含黃柿葉一作粟亞枝。
收趁霜臘團雞髀。盤餚香簫鼓下神巫正。狂呼兒往問當壚娘。清美何如
顧建康。李復滴水集村步。東阡南陌常經過。臘破已覺春氣和。出門仰

視天宇靜暄暖自聞人語多青青短麥徧原隰耿耿殘雪明陵阿身閑心
適欲追酒惜無佳客來當歌 出村 風露已淒淒郊原百草腓負樵山

木下轉粟戍人歸野曠牛羊遠場荒鳥雀稀南山經月雨猶有亂雲飛
無咎詩村居即事 小麥青青大麥稀蠶娘拾繭盈筐歸放牛薄暮古堤

角三四黃鸝相趁飛 呂元鈞詩稚州村落 家家桑棗盡成林場圃充盈
院落深九十餘羊事耕鑿不知金革到如今張文潛宛丘集秋日村行

秋野無人秋日白禾黍登場秋索索豆田黃時霜已多桑虫食葉留空柯
小蝶翩翩晚花紫野鶉喙粟驚人起洛陽西原君莫行秋光處處傷人情

黃桑蕭蕭新雨晴田中日午村鷄鳴場頭九月禾黍熟空原雉飛飽新
穀棘籬蟲鳴村路曲路傍古墳生野菊人稀田闕草茫茫洛陽秋深能斷

腸鄭剛中北山集晚村 暑雨霽餘飛翻溝水鳴玉半規入嵐霧平疇愈
新綠時有牧歸牛一笛過山曲吾廬附幽深四面蔭松竹垂雲下林梢驚

鳥自爭宿夜色迫書卷呼童具燈燭劉屏山集次韻六四叔村居即事十
二絕 桃花偏傍謫仙居點綴高岩今幾株力士鐺邊欠何物著鞭跨馬

是狂圖 飯了呼童壘石門雨餘幽事不勝繁花殘不用深惆悵梧竹新
陰又滿園 偶隨流水到僧家身世渾如焦穀芽午夢不知綠底破篆煙

燒徧一盤花。聞道清湖別有春。花邊玉笋想長身。恠來幾日詩筒少。盡
寫瑰竒賦洛神。潭邊春水碧如苔。為聽泠泠溪畔來。不耐顛風阻人興。
漁舟欲上又吹開。蠲病惟應一日晴。小窗雲度暗還明。韋編讀罷聞幽
鳥。演繹精微是此聲。酒惡時來漱淺溪。玉池汨汨自生肥。遊儵豈解吾
曹意。聊復蓬頭坐釣磯。春來太半在農疇。邂逅相逢皆飲流。貪看暮煙
馳萬柳。不知明月上前洲。庾郎食事惟三九。適口方知味味珍。擬欲招
邀無此客。虎頭不是箇中人。遼鶴歸來本性丁。咿啞幾見弄文裊。人間
過眼事如許。何用封侯羨憂羨。屋角仙洲入眼明。清風漂滌醉魂醒。麻
姑未必堪搔背。薄相由來是蔡經。幾許椎埋盡把鋤。而今戶戶偃犀渠。
太平無象從可見。一夜春風長碧蔬。王梅溪家政集宿王家村。舟行湖
北路千里。家在浙東天一涯。宿處問名同住處。梅花不見見蘆花。扁舟
何日到夔川。已泛荆湖半月船。誤喜地名同故里。欲尋鄰舍竟茫然。王
家又向此名村。只欠青山似左原。滿眼黃茅仍白葦。荒蕪疑是我田園。王
質雪山集過隆中村。當日隆中事。它時渭上悲。出頭知幾度。彈指不多
時。有客吟梁甫。何人表出師。姓龐名蘊者。應笑卧龍兒。陸游續葦村東
村西行樂到村東。沙路溪流曲折通。莫問梅花開早晚。杖藜到處即春

風 村居書事 困厄難希飽煖家未妨隨事作生涯白鹽赤米已過足

早韭晚菘猶恐奢鴨放競浮新漲水牛歸正及暝棲鴉年逾七十方辭祿

敢望高人掛齒牙 紙窓百衲地爐紅圍坐牛醫卜肆翁時節杯盤來往

熟朝脯鹽酪有無通男丁共結春耕耦婦女相呼夜績同老子頽然最無

事客歸自策讀書功 村遊 閉戶苦無慘行行不覺遙人稀廢古市水

退築新橋野店聽山雨僧厨餽藥苗湖中有高士折簡恐難招 二首

四十餘年食太倉賜骸恩許返耕桑長絲出黼蓐羨美白雪翻匙稻飯香

酒戶知貧焚舊券醫翁憐病獻新方春殘睡足東窗下聞道長安依舊忙

藥物枝梧病漸蘇門前野老笑相呼春深水暖多魚婢兩足年豐少麥

奴小飲杯盤隨事具閑行巷陌倩人扶題詩非復差村句誰與丹青作畫

圖李伯時有月圖傳於世 村居即事三首 西成東作常無事婦饁夫

耕萬里同但願清明好官府眼中歷歷見幽風 炊甑生塵榻長苔柴門

日晏未曾開載膠問字今牢落猶有鄰翁裹飯來 長笛圍犢曲調新東

家西舍送迎神不因豐歲人情樂淡殺溪頭老病人 書村落間事 東

巷西巷新月明南村北村戲鼓聲家家輸賦及時足耕有讓畔桑無爭一

村婚娉皆鄰里婦姑孝慈均母子兒從城中懷肉歸婦滌釜供刀匕再

拜進酒壽老人。慈顏一笑温如春。太平無象今有象。窮虜何地生煙塵。趙蕃
淳熙慕秉文。以田事入村歸而寄之二首。村村穫稻急。得得跨驢行。別
墅片時役。好詩無數成。羸軀難並出。病眼待渠明。落日斜猶掛。涼風晚更
生。屢雨不濡土。涼風滋已秋。不知今歲事。定獲幾分收。日糴每懷慮。歲
餘當道憂。題詩纔紙尾。又起望雲頭。夜過半村李。商叟謂不可無所賦。
為作唐律二首。舊竹茶山宅。新松南澗墳。聞風與識面。老我及夫君。瘦
馬政長路。哀鴻仍莫雲。雖然當努力。亡柰復離羣。訪子林間宅。繫余溪
上船。還成一夕語。宛似五年前。白髮驚新夢。青燈讀近編。黎明又當別。相
對欲亡眠。沈契求龜溪。集曉過鄰村。推枕夢初斷。籃輿踏露行。歲登人
意樂。風急鴈行驚。曲澗哀湍瀉。危橋獨木橫。清霜莫欺客。雲日自晶明。楊
誠齋南海集。晨炊浦村。水出何村尾。橋橫亂篠叢。隔溪三四屋。對面一
雙峯。過午非常暖。疑他不是冬。踈梅照清淺。作意為誰容。陳杰自堂存藁
景陵湖中宿人村。孤撐出叢葦。小泊得踈林。兩岸桑麻地。一川楊柳陰。
鷺拳沙磧遠。人語竹籬深。惟有波間月。照予行役心。項安世悔藁後編。山
行二十里。至鶴弄嶺。又見息勤村。初疑峽外更無天。自見文豐意釋然。
復向牛頭行亂石。便知鶴弄有平川。兩山開處成塘水。十里寬鄉浸稻田。

一險一夷元物理。閑悲閑喜漫情牽。劉後村集空村。棄置在空村。浮名
豈復論。因思戎服窄。方悟緼袍尊。城遠雞同曉。家貧犬守閭。常憐劉越石。
辛苦戍并門。馮大師集黃沙村。西出城闌百里遙。近邊村落轉蕭條。恠
松穿石祠為社。仆柳橫溪渡作橋。殘照背人山影黑。乾風隨馬竹聲焦。羊
來不及英雄起。已覺侵侵髀肉銷。姚成一雪坡集題左國寶後村。桃李
隔墻花滿園。卯君曾此賦東軒。祇今左氏莊如許。恰在東軒近後村。方秋
崖集次韻潘令君訪予半村。鉏煙荷雨自村村。不慣高車入里門。石老
只堪麋鹿伴。山寒未放蝶蜂喧。欲分桃李春何限。共話桑麻道轉尊。但得
諸公如卓魯。晚菘早韭且窺園。再用韻。終須西塞老漁村。抵用南昌
隱市門。時序畧如飛鳥過。世紛何啻聚蚊喧。竹其安否六太息。梅自癯然
三達尊。貧味却愁兒輩覺。未妨壁立病文園。入村。十日春霖一日晴。
打包作意辦山行。月明夜半雨聲急。不道老天無十成。山深未必得春
遲。處處山櫻花壓枝。桃李不言隨雨意。亦知終是有晴時。閉門覓句每
無棕。句在茅茨煙雨中。和煙和雨收拾取。等晴却寫與東風。乍雨初晴
曉日晶。彌川滿谷白雲平。爛銀堆裏素螺髻。畫出江湖萬里橫。韓元吉南
澗集訪吳元鼎如村。野竹漫山水漫門。未離城市却如村。何須更問柴

桑陌三陘雖寒菊尚存。我住城南君在西。柴門草長與人齊。不妨共踏
溪津路。日日雲山入杖藜。經旬泥潦路難乾。煙裊長林雨暗山。常笑詩
人愁屋漏。却思寒士與千間。昔年曾歎馬相如。才氣飄飄賦子虛。未恠
家貧徒四壁。先生四壁儼人居。我生甲子幸君同。君自臞僂我秃翁。要
拍銅鞮論歲月。莫嫌相對只詩窮。宋楊信祖詩集行村。青秧斬斬水沄
沄。午雨才收夕照曛。坐看一川翻翠浪。預知千畝割黃雲。翁靈舒詩鄉村
四月。綠遍山原白滿川。子規聲裏雨如煙。鄉村四月閑人少。纔了桑蠶
又插田。李公明詩曉行青村。關關新鳥逐聲蹄。群鷺衝寒帖水飛。最恨
山雲去如織。不教春色着征衣。李莊簡公集行潘峒諸村。愛其巖壑之勝。
田疇之美。因成小詩。煙市雲莊自一虛。幽花夾道路縈紆。無人與寫崑
巒勝。聊展營丘半幅圖。予離藤日。李子從惠。李成山水。村落家家社酒
香。雜花開盡綠陰涼。山畦是處田疇美。時有歸牛帶夕陽。陳耆鄉篋集
似村。縛茅本不傍孤村。盡日焚香深閉門。陌上紅塵高沒馬。誰知巢父
箇中存。趙君鼎詩暮村。孤村煙樹暝黃昏。一簇人家半掩門。看盡栖鴟
啼噪後。拔童歸去兩聲繁。王元之詩村行。馬穿山逕菊初黃。信馬悠悠
野興長。萬壑有聲含晚籟。數峰無語立斜陽。棠梨葉落臘脂色。蕎麥花開

白雪香何事吟餘忽惆悵村橋原樹似吾鄉。李大隱先生集福廷村
雲海茫茫天一涯。田園蕪沒竟何歸。福廷自可求靈藥。夜月虛傳掩少
微。莫訝長須尋不得。只緣雙鯉別來稀。三間茅屋何時辨。白髮相看傍釣
磯。漫游集孟伯真過昌化雲老村。滴翠巖前渡紫溪。扁舟蕩漾碎玻璃
山雲暝處漁村晚。野老歸時鳥道迷。雞犬不驚疑是畫。室家相慶醉如泥。
明朝記取桃源路。幾度迴頭駐馬蹄。艾性夫剡語秋村。稻黃鴈入蔗境
水落鷺過屠門。一片寒煙晚景數聲牧笛秋村。江湖集戴石屏村景詩
簫鼓迎神賽社筵。藤枝搖曳打鞦韆。坐中翁媪鬢如雪。也把山花插滿顛。
黃敏求橫舟小蘆村樂。槿籬圍裹三間屋。棘塹週遭數畝山。雨後課兒
耕種了。茅簷晴曝一冬閑。刈盡稻雲蕎再雪。搗空粒玉粟仍金。已償一
飽知無欠。圍坐青燈語夜深。敲水汲淥供茶鼎。撼雪撈薪給地爐。圃有
麥苗畦有菜。更於何地享膏腴。白首老人紉永日。青裙幼婦饁田間。那
知紅袖青樓女。悵煖銷金倚玉山。桑樹鳴鷄深巷犬。南山澗水北山雲。
五侯門地人如沸。誰識村中樂是君。陳宗遠塞窓聽雪宿村。野畦新雨
過蛙雜水濺。濺風掃竹前地。月明柳外人過驚。犬吠婦績趁蠶眠。舍北
數聲櫓。夜歸何處船。出村有題。一片青莎沒古槎。滿灣流水浸瓊沙。

早梅先點臘前藥，敗菊尚開秋後花。落葉盡隨寒月少，好山還被曉雲遮。
人生到處須回首，暗裏流年損鬢華。葉紹翁清逸小集煙村。隱隱煙村
聞犬吠，欲尋尋不見人家。只於橋斷溪回處，流出碧桃三數花。周端臣葵
窻藁村路。兩餘村落迥，祇有鵲營巢。一逕曉煙合，千林春翠交。斷橋斜
搭板，破屋倒鋪茅。聞說蠶初浴，柴門不敢敲。金正叔集晚過黃池村。輕
風剪煙素，繩繩縈富阿。白鳥相間飛，野容秋外多。顏日忽返照，霎若春氣
和。驚帆無落勢，又欲衝除過。水行本善利，一葦安如拔。却笑利名途甚矣，
風中波中州集高內翰村行詩。墟落依林莽，茅廬出短墻。兒童避車馬，
父老饋壺漿。半濕田新雨，猶青棗未霜。逢人問豐歉，一一歎聲長。舒岳祥
閩風集行海村。天遠鳴榔雙漿浦，夜涼吹笛十家村。如今鬼出無人過，
深閉柴門自斷魂。十村絕句。鷓鴣屬玉亂橫斜，石步柴門下白沙。長
笛一聲人不見，小舟風緊入蒹葭。海。深谷元無紉子律，牧童携角上牛
吹。一聲吹下柴門近，先報渠孃煮菜糜。牧。朝朝腰斧採荆榛，博米求鹽
到海村。白虎當蹊儂不畏，祇愁暴吏打人門。樵。麥鬚剪剪吹成浪花口，
吟吟笈笈作東。莫道太平無處覓，便於此處見天真。農。清晨扶杖百花源，
風摺烏紗半幅翻。三十年前風月好，青樓白面盃如盆。花。青帘懸椀誰

誇大。小閣留人更放饒。我有布袍堪典否。如今無客解金貂。酒。桐花開處青鳩醉。桑椹甜時紫鴿忙。正是三眠三起日。送蠶小婦出烘房。蠶。煮

來藤竹如輕霧。灑就槽簾不怕冰。辛苦飢寒緣底事。夜深甕屋尚懸燈。絲。翰林子墨青。羶菜毛穎陶泓白。髮交寄語諸郎須。板滌一床書卷共衡

茅書。春風淄淄欺馳褐。客思脩脩著柳黃。不是蘭舟共漂泊。清明何事不還鄉。客。熊冕山翟梧集同劉子實游芸村。前溪後溪水泓泓。南山北

山鳥嚶嚶。東家擗擗綠絲鳴。西家撲撲打麥聲。霏霏紫萼影紅英。翹翹野菜飛蜻蜒。酒旗斜矗芳風輕。人在落花花裏行。神僊古來多杳冥。刀圭入

口羽翰生。人生快活壽百齡。何必白日求飛昇。我今拈出芸村名。世間底處無蓬瀛。桃源桃源晉武陵。為我把酒酌淵明。揚弘道小亨集空村謠

淒風羊角轉。曠野埃塵腥。膏血夜為火。望際光青熒。頽垣俯積灰。破屋仰見星。蓬蒿塞前路。瓦礫堆中庭。殺戮餘稚老。疲羸行欲倒。居空村問汝何

以供朝昏氣息僅。相屬致詞難。遽言往時百餘家。今日數人存。傾筐長鏡隨日出。樹木有皮草有根。春磨沃飢火。水土仍君恩。但恨誅求盡。地底官

吏有時猶到門。章谷村。洛南千戶邑。章谷一家村。屏跡山川僻。無時霧雨昏。短簷垂葦箔。老樹並柴門。日汲清泉飲。汲多常恐渾。何太虛知非

堂藁宿十里村 朝出順承門莫宿十里村臂鷹獵騎歸積雪明郊原居
人喜客來汲井鄰墻溫羹湯少暖熱餅餌亦燒燻此夕羈旅意深知路人
恩重林隱城堞助此勞心魂 重到山水村 往時山水村曾駐老仙策
俄然二十暑重到高陽宅著書邁前聞析理發新益盛集天為成高情世
難識繫余寂疵謬每幸親講席怛悵俛仰間均能髮鬚白山堪空外青川
停雨餘碧櫟章懸舊陰蓮蕩起生色上客詎可期佳時諒難得疊疊後來
人遐追撫行蹟元耶律鑄雙溪醉隱集村行一篇未第時在大坂作 青
山護村落暗水通溝渠人行禾黍間漫漫迷所之里社壓新醪擊鮮賽叢
祠田父相勞苦雨場無失時龍骨掛屋椽秋熟可預期行行度崗澗泉石
多幽竒微風發清籟好鳥吟高枝此中有佳趣豈無幽人知去住兩不可
空吟招隱詩元遺山集榆社硤口村早發瘦馬長途懶着鞭客懷牢落
五更天幾時不屬雞聲管睡徹東窻日影偏同怨槩菴集村居即事 曉
來極目望平疇禾黍離離正晚秋農父携籃方下子牧兒荷笠去鞭牛千
章古木陰全薄一道寒泉碧自流佇立西風吟不盡雲山宛轉鳥聲幽王
惲秋澗集路村道中 鹽澤條山動寵光天書來坼紫泥香老癯扶杖欣
相告五十年來未省嘗 過蕩陰東周留村 一灣流水麥青青楊柳陰

中野釣橫幾樹桃花如舊識。隔溪無語笑相迎。東臯村。陽春門外望
東臯。三載相邀醉濁醪。早晚洄溪溪上路。桃花紅雨滿漁舸。郭昂詩。毛綠
村。太平只合樂耕鋤。苟美尤宜教讀書。白眼若長思。害衆青天未必肯
容渠。千羊樓觀堆餘燼。萬馬旌旗滿太墟。法外莫憐刑慘酷。欲圖良善得
安居。仇遠金淵集村中語。吳儂曾在山村住。聽得村中老人語。六月祈
雨不祈晴。十月祈晴不祈雨。今年三伏雨水多。官吏祈晴救禾黍。祈晴得
晴雖可喜。農夫車水方勞苦。汗流如漿面如鐵。但要田乾那畏暑。黑雲一
片來何忙。心怕雨作身願涼。安得長風為吹散。乍可赤體當秋陽。東橋西
橋日荒荒。南圩北圩水茫茫。中熟下熟亦足飽。儘勝淮頭爭捕蝗。村舍
即事。依籬疊塹作人家。西日還將葦簿遮。窓戶莫嫌秋色淡。紫蘇紅莧
老生花。鳳仙繞砌錦爛斑。未著秋霜儘耐看。不似南窓數竿竹。年年日
日報平安。馬虛中霞外集冬日村中即事。暖釀霜晴打稻聲。興來閒策
短筇吟。寒鴉流水岸容靜。矮屋踈籬春意深。歲稔雞豚喧野市。寺昏鍾磬
出疎林。路傍老叟逢人喜。似得熙熙太古心。村中書事。桑條漸綠雨
晴初。二月風光似畫圖。茅店酒香招客過。花邊懸出草葫蘆。餉田兒女
自喧呼。指點春禽又引雛。村婦相逢遠笑問。把蚕今歲是三姑。軋軋綠

車草屋伍新篁帶。擇出簷齊鶯雛未。省逢人避。直向路傍花上啼。神旗
社鼓簇林煙。野老村童滿路喧。但得秋成官役少。免教兒女賣田園。村
中即事。溪流瀟灑山回縈。村歌牧笛亦可聽。岸靜幾枝白菡萏。雨餘無
數紅蜻蜓。遠林風入自成韻。野廟人來時乞靈。詩家縛律寫不盡。天與萬
古開丹青。元陸厚幼壯俚語。村北老人亡是公也。晨起諸生來前諷誦。嘈
雜適有念於田園自樂者。因賦村北老人家小詩一絕。已而共成四詩。興
未止。復用行住坐卧為韻。村北老人園東風草木繁。小桃明淑棠一樹
出低垣。社近雞豚足。春深鳥雀喧。太平無異政。所樂不勝言。村北老人
廬人傳累代居。謀生唯畎畝。教子必詩書。瓮裏傾新釀。門前釣巨魚。北窓
醒醉夢。名利欲何如。村北老人齋清幽甚可懷。路籬編枳刺。屋瓦積松
欵。甘棗粘炊黍。枯蘇作爨柴。對門流水急。混混接長淮。村北老人家門
橋卧古槎。數間低草屋。幾樹早梅花。竇犬司宵警。墻蜂報午衙。晚飡捫腹
立。西向數歸鴉。村北老人行風和杖屨輕。桑麻增歲計。挑柳洽春情。處
處茅柴熟。時時鼓角鳴。青苗已過膝。便可話西成。村北老人住身貧意
寬裕。禮呼隣較占。斥子輸常賦。一醉盡歌歡。半生諳儉素。槐夏午陰多。科
頭戲童孺。村北老人坐幾年成懶惰。稀逢馬到門。靜看牛旋磨。立衙午

雞啼舉頭秋鴈過傭夫刈稻歸指點分秔粳 村北老人卧不厭青氎破
那知鄉下儂却是村中大寨惟問早晏欵枕聞春斲幾日雪塞門且喜無

寒餓宋本至治集首夏村中 茅屋門關麥不收移秧人去水東頭深
溝草飛灰蝶翳翳牆桑映火鳩鄭彥昭樗庵類藁平地村 平川隨地

遠幽徑入村迷竹刺鉤衣袂榕根礙馬蹄日斜林影亂嵐重障雲低斲止
嗟萍梗高枝羨鳥栖張西岩詩宿長沙村 道出東南海上州人家五月

似涼秋重重綠樹長遮眼歷歷青山不斷頭野碓帶沙舂脫粟瓦甑和月
汲清流田翁但說休行早昨夜西村虎食牛陳景仁詩村老 村老雪鬚

眉榮華總不知牛羊山畔牧花下弄孫兒周衡之詩村行 風落漁歌隔
浦聞前村獨樹正斜曛誰家桃李迷荒棘高隴牛羊卧古墳橋斷春堤多

積雨溪深野碓自春雲青旗搖曳踈林處剝把閑題與客分張子淵詩冬
村 桑拓蕭蕭日吳江水汎天冬村行獨客煙郭集寒船異縣年華老高

帆露點懸相思未相見愁破是歸年張翥蛇庵集半村為傳處士賦 半
距城闔半距村煙霞只尺少塵喧小車出市僕先路斜日下山人到門兩

岸花陰連第宅一川草色散雞豚田家數里將迎慣時復相留醉酒尊張
文穆公集楊柳村 千絲萬縷拂章臺陌上行人幾去來何事結根荒寂

處東風青眼為誰開。劉將孫養吾集平村別青山。林雨急易止。綠淨無
纖塵。斜日出半池。好鳥鳴樹陰。空階對客語。俛仰別日深。新愁不可盡。舊
夢何堪尋。對床黯如昨。芳草忽已今。吾道固悠悠。悠悠亦傷心。百年堪
幾別。歡會忍不頻。重持一杯酒。昔日此共吟。當時坐中客。忽忽成埃塵。彼
有不得還。此有不得親。頽然聽夜語。耿耿難具陳。我懷空作繭。君已高
談禪。視我戀幻妄。一笑何足憐。未知靈運佛。何似丁令仙。千年尚懷舊。哀
歌思淒然。不忘固大累。忘亦未足言。願君日精進。歲晚當我傳。藍靜之集
題步月村。南村今夜月。明多藜杖敲。門野老過一點。流螢依露竹。數聲
鳴犬隔煙蘿。招邀蟾兔來中野。慙愧茆茨枉素娥。徵發漸多耕織少。清尊
幾處照酣歌。高彥敬房山集過大名馬陵村詩。勸農曾過馬陵村。親見
楊家李義門。荆樹有花兄弟樂。慶流曾祖至玄孫。王沂伊濱集宿鯉魚村
遠遊寡儔匹。喪亂無良圖。輕舟逐商賈。泛泛江之隅。灘水日夜生。朔風
無時呼。揚帆苦不遠。入峽勢轉孤。山川鬱雲氣。煙雨日模糊。逝波獲腐鯉。
顛倒群兒趨。素書不可得。何以慰所須。方春苦寒沍。厓雪積未敷。萬物不
得所。我何望嗟吁。聖神儼在御。豈弃千里駒。時來乃倏忽。運往亦須臾。休
否或有道。悠哉起長途。伍良臣中流集贈學村。學種東臯煙雨深。漁樵

時共醉花陰。幾年忘却長安道。城郭浮雲自古今。國朝龔黻。數賦湖集。貴溪江湖村。在江閩之界。邑之南鄉也。楚水閩山。最上頭。夢中渾記。昔曾遊雲深瘴嶺。天如海。月浸蓬窓。屋似舟。處處哀猿。巫峽曉。家家鳴鴈。洞庭秋。萍蹤久厭風濤惡。斗瀨濺濺。萬斛愁。清江具廷臣集。白水村。朝發白水村。風帆健如馬。行人互先後。去鳥紛上下。白雲生遠岑。青天入平野。依稀林木外。幡幢見精舍。河邊四五家。猶是鷄豚社。我遊亦已屢。把酒心莫寫。欲訪桃花源。悠悠愧漁者。宋馮縉雲先生集。驀山溪村中閑作艱難時世萬事休。誇會官官悞。人多道是也。終須不是功名事業。已是負初心人老也。髮白也。隨分謀生計。如今曉得。更莫爭閑氣。高下與人。且覓箇置錫之地。江村僻處。作箇老漁樵。一壺酒。一聲歌。一覺醺醺睡。韓滉泐泉集村意遠。雪銷霜入小溪舟。試浮游。上山頭。薄薄寒煙。依舊未全收。問道梅花開也未。吟不盡。一生愁。襟懷如此老。還休。懶凝眸。轉深幽。詩罷一眉新月。又如鈎。臘後春前。村意遠。回棹穩。水西流。蔡仲道友古居士詞浣溪沙。村居即事。漠漠新田綠未齊。柳陰陰下水平堤。竹間時有乳鷄啼。雲斂屏山橫枕畔。夜闌壁月轉林西。玉芝香裏綠鸞棲。張叔夏玉田集風入松。村居即事。老來學圃樂年華。茅屋短籬遮。兒孫戲逐田翁去。小橋橫

路轉三义細雨一犁春意秋風萬寶生涯 携筇猶記渡晴沙流水帶寒
鴉門前少得寬閑地遠平疇盡是桑麻翻咲牧童遙指杏花深處人家

溥

倉尊切顧野王玉篇七昆切水名也丁度集韻麤尊切司馬光類
篇又但尊切水兒楊桓六書統清母瀾从水尊聲彜 隸省

篆書 **溥** 六書 隸書 **溥** 六書 統

邽

倉尊切顧野王玉篇且孫切鄉名丁度集韻鹿尊篆
切楊桓六書統清母邽此尊切从邑寸聲邽 隸書 **邽** 六書 統

爨

倉尊切丁度集韻麤尊切爨爨鼎欲沸兒鄭樵六書畧鼎欲沸兒聲
兼意韓道昭五音類聚七尊切楊桓六書統清母爨俗制又旱韻

永樂大典卷之三千五百八十一



重錄總校官侍郎臣高拱

學士臣瞿景淳

分校官修撰臣徐時行

寫書官序班臣成輯

圖點監生臣林汝松

臣董仲翰